



SOMMAIRE DV PROCEZ

pendant au grand Conseil.

Entre Rombaut d'Immersel, frere & vnique heritier de defunct François d'Immersel, Marchand de Malines en Flandre, pourfuiuant la reparation de l'injustice, spoliation de biens, & violences si inhumainement exercées contre ledit defunct, qu'il en est mort, par ainsi pur homicide, *causa remota*, demandeur en Requête & Commission dudit Conseil en prise à partie, & en cassation du 10. Ianuier 1657. & appellant de la Sentence Preuostale renduë contre ledit defunct au Siege du Bailliage de Mets le 28. Fevrier 1654. & de toutes autres Sentences, procedures, saisies & executions faites en consequence.

Contre Georges Foës, Preuost Prouincial de la ville de Mets, François de Moussy sieur de la Contour, Lieutenant de Roy au Gouvernement de ladite ville, Maistre Philbert Estienne, Lieutenant General au Bailliage de Mets, & Damoiselle Marguerite Fauchon, vefue de Maistre Nicolas Conrard, vinant Substitut de Monsieur le Procureur General audit Bailliage en la Mareschaussée de Mets, mere & tutrice des enfans mineurs dudit defunct & d'elle, qui en ont esté les spoliateurs, les instrumens, & les Iuges, leurs procedures estans remplies de fautes routes personnelles, d'imperitie affectée, suppositions, fourbes, collusions, & malversations, comme il se verra cy-apres, defendeurs & intimez.



T d'autant que la deduction du fait est vne partie necessaire & indubitable pour paruenir à la reparation desdits excès, le demandeur supplie le Conseil de luy permettre de luy en anatomiser la verité à *primo ouo*.

Ledit demandeur natif de Malines, & sondit defunct frere nay de la ville de Toul, ainsi François originaire, ayans à l'imitation de leurs pere & ayeul, exercé le mesme negoce de marchandises des Pays-bas, és Eueschez de Mets, Toul & Verdun, & au Duché de Lorraine, & estably leurs domicilles au logis du nommé Benoist de Ville, Marchand Bourgeois dudit Mets, leur Commis dès l'année 1632. où ils tenoient magasin de diuerses sortes de marchandises de grande valeur, pour la commodité & vtilité des peuples de ladite ville & pays voisins, auroient continué ledit commerce, mesme depuis la declaration de la guerre entre les deux Couronnes, avec passeports de l'une & de l'autre; le dernier de France du 26. Decembre 1653. au gré & contentement des Gouverneurs, & de tous ceux de la Prouince, sans qu'on ait iamais sceu donner aucune atteinte à la moindre de leurs actions, l'un ou l'autre desdits freres residents ordinairement audit Mets.

Ledit la Contour commandant en la ville de Mets, auoit induit lesdits d'Immersel de luy donner tous les ans pour estrennes la valeur de six à sept cens liures, outre les autres exactions qu'il faisoit sur leurs negoces; à quoy ils auroient trop religieusement satisfait, jusques & compris le mois de Ianuier 1654. auquel temps ledit la Contour auroit fait connoistre qu'une telle gratuite reconnoissance estoit trop peu de chose pour assouuir son auidité; ce qui le fit resoudre deslors de mettre en pratique ce qu'il auoit de long-téps projeté, qui estoit d'enuahir & de s'approprier le bien dudit feu d'Immersel; & pour pretexte d'une si pernicieuse intention, luy supposer des crimes imaginaires, ainsi qu'il est justifié par les pieces produites au procez; scauoir, que ledit defunct pratiquoit impunement le billonnage, transportoit par ses

Narration du fait, ex quo inuenitur.

NOTA.
Authore pro-
core difficil-
mis temporibus.
Date conside-
rable, en ce
que depuis
icelle il n'y a
preuue quel-
conque de co-
trauention.
En pouuoir
despotique.
Hinc odia,
hinc cogitatio-
nes prauae.

Crimes ima-
ginaires sup-
posez à d'Im-

A

C



mercel, sans
justification

intelligences tant le billon que l'or & l'argent monnoyé & non monnoyé, mesme qu'il transportoit des bleds & du salpêtre hors le Royaume, & que par vn monopole il empeschoit le commerce en ladite ville de Mets.

Noite latent
menda.
Supante ca-
serua.
Vndique posi-
tis xculu.

Pour executer sa resolution, il entra le 21. dudit mois de lanuier 1654. au logis dudit Benoist de Ville, où estoit logé ledit feu d'Immersel, vers les sept heures du soir, accompagné de deux Capitaines ses affidez, & d'une cohorte de soldats de la garnison, qu'il disposa en garde par toutes les portes & endroits de ladite maison: & abusant du nom & de l'autorité de feu Monsieur le Marechal de Schomberg, arresta ledit d'Immersel, & tous ceux du logis.

Cette violence inouïe & scandaleuse à vne homme d'honneur, obligea ledit defunct d'en demander la cause; à quoy ledit la Contour repartit, qu'il estoit preuenue des crimes cy-dessus enoncez: ce qui le toucha si sensiblement, se voyant iniquement blessé en son honneur, qu'il protesta hautement que c'estoit vne pure supposition, qu'il estoit bien vray qu'alors qu'il rencontroit quelques brasselets ou chaines d'or, ou de la vaisselle d'argent à vendre à prix raisonnable, qu'il l'achetoit volontiers, & l'enuoyoit à Paris, pour estre portée à la Monnoye du Roy; & que pour preuue de cette verité, il en auoit encor quelque peu en son cabinet, destinée à mesme effet, & qu'un tel commerce n'estoit point billonnage, mais vn negoce licite & permis, qui se pratiquoit journellement en ladite ville de Mets, & par tout ailleurs, tant par les Marchands que par les Iuifs.

Au lieu de se rendre par ledit la Contour à vne si veritable & si franche repartie, qui marquoit palpablement l'ingenuë sincerité avec laquelle ledit defunct conduisoit son negoce, & qui l'exemptoit de toute reprehension, il ad iousta à sa premiere violence celle qu'exerça ledit Lieutenant General, assisté d'un nommé Laloüette pris pour Assesseur, & tous deux ensemble associez avec ledit la Contour, dans l'injuste dessein de luy derobier ses biens & ses effects. En effect, ledit la Contour fist entendre audit Lieutenant (quoy qu'ils fussent d'intelligence) qu'ayant par ordre dudit sieur Marechal arresté ledit d'Immersel & ses associez, il l'auoit mandé, afin de proceder, suiuant le deub de sa Charge, à l'esclaircissement desdits crimes; *ce sont les mesmes termes couchez au commencement des procez verbaux dudit Lieutenant.*

Cette belle harangue fut incontinent suiue de procez verbaux & d'interrogatoires, que l'on força ledit d'Immersel de subir sur ces crimes supposez; mais l'on ne put le contraindre à trahir son honneur & la bonne reputation qu'il s'estoit acquise, qui fut cause qu'il ne respondit jamais autre chose que ce qu'il auoit desia déclaré audit la Contour; aussi à vray dire ignoroit-il le reste dont & surquoy on l'interrogeoit.

NOTA.

Entreconnois-
sant la defe-
ctuosité.

Après telle responce, & ledit Lieutenant ne trouuant en luy aucune cause digne des violences que l'on venoit d'exercer en sa personne, deuoit, ce me semble, cesser ses procedures, jusqu'à ce qu'il eust des preuues plus conuaincantes. Mais ledit la Contour, duquel il dependoit, & qui luy juroit qu'il seroit *inimicus Caesaris*, s'il ne se rendoit le vengeur de ses passions, obligea ledit Lieutenant de se faire conduire par ledit defunct d'Immersel, & ledit la Contour pareillement en sa chambre & dās son cabinet, où ils trouuerent notable somme de deniers en diuerfes especes d'or & d'argent, outre trente-six marcs de vaisselle d'argent fonduë en lingots, & enuiron vingt-neuf onces de chaines & brasselets d'or aussi mises en lingots, que le nommé Abraham Alphon Iuif dudit Mets, luy auoit ainsi vendu quelques jours auparauant, & qu'il a depose auoir achepté des Maistres Orphevres Iurez dudit Mets: Et outre ce, il y auoit six thuelles pesantes enuiron vingt marcs, que ledit Iuif a dit luy auoir vendu aussi deux iours auant sondit arrest pour bon or, qu'estoient marquées & poinsonnées du poinson de ladite ville de Mets, qui se sont neantmoins trouuées de certain faux metal composé & doré, que ledit Iuif a repris depuis, en a rendu la valeur receuë, & a depose luy auoir esté vendu par quelque forain (notez sans qu'on ait veu qu'il ait poursuiuy sa garentie) au lieu d'auoir qu'il auoit esté supposé par ledit la Contour, *Versutia & calliditatis exemplar vnicum*, pour tendre ce piege à cet innocent, afin que sous vn tel pretexte il le pust accuser de billonnage, & luy faire faire son procez pour paruenir à son but; tout cela est justifié par les depositions dudit Iuif, faites pardeuant ledit Lieutenant & le Preuost, & par les procez verbaux

dudit Lieutenant du 23. & 27. Ianuier, & par le pretendu inuentaie de distraction dudit Preuost, qui sont produits au procez.

Ledit Lieutenant General & la Contour, ayant reconnu les effects qu'estoient audit cabinet, en emporterent la clef, sans pour ce soir en faire aucun inuentaie, disant audit d'Immersel, Nous vous en rendrons bon compte.

Estans descendus & rentrez en la chambre basse, voicy vn soldat qui amene Alphonse Iuif aposté, faisant semblant de l'auoir trouué dans la rue; & notez qu'il est defendu aux Iuifs d'aller de nuit par la ville, ledit Iuif auoit en vn petit sac vingt-quatre marcs de visselle d'argent fondus aussi en lingots, qu'il disoit apporter audit d'Immersel, & qu'il auoit au logis encor trente-cinq marcs de mesme vaisselle d'argent rompuë, & propre aussi à estre fonduë.

Remarque
considerable.

Ce Iuif ayant esté interrogé en ce beau Tribunal, & confronté audit d'Immersel, fut conduit par des soldats qui estoient là en garde jusqu'en son logis, pour apporter lesdits trente-cinq marcs de vaisselle d'argent rompuë, qu'il apporta vers les vnze heures du soir.

Cela fait, Claude Vaultruy, facteur dudit d'Immersel à Nancy, qui pour lors estoit avec luy à Mets, fut par ordre dudit Lieutenant mené prisonnier au logis du Maistre des billets, & du depuis au logis de Monsieur de Bombel Capitaine de ladite garnison, present à cette execution, le nommé Nicolas Scharff Facteur à Thionuille, & Peter Serbec Batelier de Treve, qui auoient amené des marchandises de Cologne à Mets pour ledit d'Immersel, furent conduits és prisons Royales, Simon Renter du pays de Luxembourg, Messager dudit d'Immersel, fut mis prisonnier en vne maison particuliere; & ledit d'Immersel, qui estoit tombé en apoplexie, & par icelle perclus de la moitié du corps, causée par vne si funeste & violente procedure, ne put pour ce soir estre transporté hors du logis dudit de Ville, où il fut gardé par des soldats & Sergens de ladite garnison, ensemble ledit Benoist de Ville, sa femme & sa seruante: & apres que ledit la Contour, ledit Lieutenant General, & ledit Lalloüette pris pour Assesseur, eurent donnez tels ordres, ils se retirerent apres les vnze heures de nuit, ainsi qu'il appert, & qu'il est justifié par les pièces produites au procez par le demandeur.

Mauuais
Arcopagites.

Le lendemain 22. Ianuier, ce mesme trivmuirat retourna du matin au logis dudit feu d'Immersel, qu'il firent enleuer en vn carosse, & conduire dans la maison d'un nommé Descar Sergent de ladite garnison, qui tenoit le cabaret du cheual blanc, où il fut gardé par deux autres Sergens ses camarades, jusqu'au vingt-cinquiésme Fevrier ensuiuant.

22. Ianuier
1654.

A peine ledit d'Immersel fut-il enfermé chez ledit Descar, que lesdits la Contour, ledit Lieutenant, & le commis Assesseur, qui n'estoient point sorty le logis, entrerent dans le cabinet dudit defunct, de la clef duquel ils s'estoient saisis du iour precedent, & firent emporter en la maison dudit la Contour seul, tous les deniers, or, argent, & autres effects precieux qui y estoient, sans aucune formalité de justice, sans establi de gardien, & sans que ledit la Contour en ait signé aucun acte; & toutefois il se fait descharger de tout le 14. Fevrier par ledit Preuost en son reuestement d'inuentaie, croyant par là estre suffisamment à couuert de cette piraterie, ainsi qu'il est prouué par la lecture dudit reuestement produit au Conseil.

Descharge
capricieuse qui
le charge de
sa piraterie.

Les autres iours suiuaus ils continuerent à faire des inuentaies dans la mesme defectuosité, ne se voyant pas que ledit Lieutenant ait onques estably aucun gardien.

Le 27. Ianuier ledit Benoist de Ville ayant esté gardé par des soldats en son logis depuis le 21. Ianuier, fut mené prisonnier au logis de Monsieur Berouë Capitaine en ladite garnison, qui auoit aussi esté present le premier iour à la premiere execution, sa femme & sa seruante conduites prisonnieres en vn Monastere de Religieuses, la maison & tous les effects qui estoient en icelle, abandonnée à la garde d'un Officier & des soldats de ladite garnison, suiuant les ordres desdits la Contour Lieutenant General, & dudit Lalloüette.

27. Ianuier
1654.

Toutes ces personnes furent ainsi separées & dispersées sans pouuoir communiquer avec qui que ce fut, sans pouuoir auoir d'Aduocat, Procureur ou conseil pour leurs defenses; ce qui n'est refusé aux plus scelerats: Il ne fut pas mesmes permis audit d'Immersel d'auoir vn Confesseur; luy qui estoit en vne disposition si dange-reuse & mortelle.

Mais quoy ! ledit la Contour l'auoit ainsi commandé sur peine de la vie, tant il apprehendoit que quelqu'un eust informé d'une si injuste oppression, n'en fit rapport audit sieur Marechal de Schomberg; qui l'ayant sceu, n'auroit sans doute voulu permettre une telle injustice : Mais ledit la Contour surveilloit si bien à tout, que personne autre que luy n'en pouuoit entretenir ledit sieur Marechal, auquel il faisoit croire lesdites prisonnières criminels d'Estat.

*Nudus intro-
nes non timer.*

Ledit Lieutenant general ayant interrogé ledit Scharff Facteur de Thionville, ledit Peter Batelier de Treve, & ledit Suvou Messager, les auroit fait relascher, voyant qu'il n'y auoit rien à butiner sur eux.

Et quant audit feu d'Immersel & ses deux Facteurs, de Ville & Vaulttrin, ayans esté par ledit Lieutenant diuerses fois interrogez, ils furent confrontez à diuers temoins qui auoient esté ouys pardeuant luy : & par ainsi, leur procez estoit fait & parfait, & en estat de juger.

*Dat veniam
coruis vexat
censura co-
lumbas.*

Durant lequel temps le Lieutenant Criminel dudit Mets ayant eu aduis que ledit Alphon Iuif auoit vendu audit d'Immersel ces six thuilles de faux metal poinçonnez pour bon or, fit emprisonner ledit Iuif, à dessein de luy faire son procez, & le punir d'une telle perfidie : mais comme il auoit esté par ledit la Contour, ce fut luy aussi qui le fit eslargir, & imposa silence audit Lieutenant Criminel, qui n'osa passer outre : Et ledit Iuif en consequence deliura le 27. Ianuier audit Lieutenant general la quantité de six cens Louys d'or ou pistoles, pour la valeur desdites thuilles, comme il est porté par son procez verbal dudit jour, quoy qu'il ne declare par icy luy que c'est pour le prix d'icelles payé par ledit d'Immersel. Mais par ledit inuentaire de distraction dudit Preuost du 3. Mars ensuiuant, il est expressément porté que lesdits six cens Louys d'or ou pistoles sont pour partie du prix desdites thuilles.

*Preuue con-
uaincante de
la piraterie
de la Contour,
parlerapport
mesme du
Preuost.*

Pendant ces menées arriua de Paris à Mets le sieur Iacques d'Immersel Thresorier de feu Madame la Duchesse de Lorraine, venu en poste exprez pour defendre l'innocence de son cousin germain, & faire connoistre qu'il estoit injustement accusé, sans qu'il peust jamais conferer seul avec luy, ny obtenir la liberté de luy faire venir un Aduocat ou Procureur de Toul, ceux de Mets ne l'osant entreprendre sans la permission dudit la Contour, qui menaçoit ceux qui ne secundoient ses desseins.

*21. Fevrier
1654. Exactio
criminelle &
capitale justi-
ficatiue de
l'innocence
du prisonnier
quod vi aut
metu fit imper-
secutum est.*

Si bien que ledit d'Immersel se voyant priué de pouuoir communiquer avec son parent, que ledit la Contour & ses Iuges affidez luy faisoient croire criminel d'Estat, pour desembarasser son cousin du peril eminent où il se trouuoit parmy telles gens, qui estoient ses Iuges & ses parties, fut par ledit la Contour contraint le 21. Fevrier 1654. de faire une promesse forcée de payer une somme de cent quatre mil liures tournois dans huit jours; moyennant laquelle les personnes deuoient estre relaschées, & tous leurs effets & autres choses saisies, rendus.

Ledit sieur d'Immersel croyant, moyennant cet accord forcé, auoir libre accez vers son parent prisonnier, pour luy faire connoistre qu'il auoit esté contraint d'accorder, & comme on y pourroit satisfaire, ledit la Contour ne luy voulut seulement permettre de le voir.

*Protestation
considerable.*

Faisant donc reflexion sur une action si extraordinaire, & sur l'impuissance où seroit son cousin d'y satisfaire, il se seroit par finesse le 24. dudit mois de Fevrier eschappé de ladite ville de Mets, où il estoit obserué par gens apostez, y ayant laissé une Lettre, pour deux heures apres son depart donner audit la Contour, contenant qu'il protestoit contre sadite promesse qu'il auoit extorquée de luy par force & violence; & estant arriué à Toul le 25. dudit Fevrier, il protesta hautement de cette pyratie pardeuant Notaire Royal & temoins : & à la requeste desdits Rombaut & François d'Immersel, fit signifier audit Lieutenant general, au Lieutenant Criminel, ausdits Preuost & Substitut, un Acte d'appel & de nullité de toutes les procédures qui pourroient faire contre lesdits d'Immersel : & en cas de contrauention, qu'on les prendroit à partie; Ladite protestation & Acte d'appel sont produits au procez par ledit demandeur sous la cote C. de sa production : & ledit Iacques d'Immersel est à present encor en cette ville de Paris prest d'en dire la verité.

*Et l'appel en
suite.*

Ledit la Contour aduisé par ladite Lettre de cette retraite, vint à l'instant demander à son prisonnier s'il scauoit que son cousin fut party? qu'il eut fait la promesse

messe en question? qu'il luy fit voir, & s'il entendoit pas l'acquiter?

Alors le prisonnier *assonitus nouitate mali*, n'en pouuant rien sçauoir, estant gardé de la sorte comme il estoit, luy dit franchement qu'il ne la pouuoit tenir, ny moins executer sans tromper ses creanciers: Qu'il aimoit mieux demeurer prisonnier à Mets que d'estre constitué ailleurs, faute de les pouuoir payer.

Ce qui vlcera tellement ledit la Contour (qui voyoit par là toutes ses fourbes au neant) qu'il le menaça de le faire mettre en vn fond de fosse; de luy faire faire son procez par le Preuost des Mareschaux; & par ce moyen le faire condamner à mort sans ressource d'appel.

Et sortant en furie, alla trouuer les deux Facteurs prisonniers, les menaçant s'ils ne faisoient condescendre ledit d'Immersel à payer ladite promesse, qu'il les perdroit tous trois, & les mena pour cet effet vers ledit prisonnier; & les ayant instruits de ce qu'ils auroient à luy dire, se tint à la porte de la chambre sans se laisser voir, pour entendre ce que resoudroit ledit d'Immersel, lequel appuyé sur son innocence ne püst estre fléchy ny par belles ny par rudes paroles: Ainsi, lesdits Facteurs furent reconduits en leurs chambres priuées sans rien effectuer.

Procedure in
digne d'un
Lieutenant de
place qui le
rend crimi-
nel.

Le mesme jour 24. Fevrier, ledit Preuost de Mets avec ledit Substitut par ordre dudit la Contour se transporterent au logis dudit Benoist de Ville (abandonné comme dit a esté à la garde des soldats) afin de dresser vn inuentaie de tout ce qui se trouueroit audit logis, où ils trouuerent le nommé le Goullon, qui auoit seruy de Commis Greffier ausdits Lieutenant & Lalloüette; qui leur dit que tout auoit esté inuentorié par ledit Lieutenant general, & qu'il auoit ordre de leur mettre en main tant l'inuentaie que les procez verbaux faits par ledit Lieutenant, comme il fit.

24. Fev. 1654.

Surquoy lesdits Preuost & Substitut firent semblant de reuestir ledit inuentaie; & en apres deschargent ledit la Contour des especes d'or & d'argent, & autres effets desd. d'Immersel & Vautrin qu'il auoit enleuez sans s'en estre chargé; & ayans estably depositaire le nommé Laurent Sergent, Marchand de Mets, se retirerent: ce qui se voit par la lecture dudit reuestement d'inuentaie, produit au Conseil par ledit la Contour, estant la premiere piece de la cote E. de sa production.

Le lendemain 25. Fevrier dès les six heures du matin, ledit la Contour de son autorité fit enleuer en son carosse ledit d'Immersel de sa chartre priuée, où il auoit esté gardé depuis le 22. Ianuier par des Sergens de la garnison, & le fit conduire es prisons Royales: & ayant instruit ledit Preuost de ce qu'il auroit à faire, il l'enuoya vers les huit heures du matin esdites prisons pour interroger ledit d'Immersel, lequel luy dit qu'il ne pouuoit luy respondre, pour ce qu'il n'estoit son Iuge, & qu'il auoit esté plusieurs fois interrogé & confronté à des tesmoins par ledit Lieutenant General.

25. Fev. 1654.

NOTA.
Chartre pri-
uée.

NOTA.
Preueni par
ledit Lieute-
nant General.

Ce Preuost dressa procez verbal dudit declinatoire, que ledit d'Immersel refusa de signer, à cause qu'il n'y vouloit inserer les raisons par luy proposées; & du mesme pas s'en alla au Bailliage, où ledit la Contour *ex pacto*, auoit fait assembler ses Iuges, lesquels sans autre connoissance de cause, declarerent ledit Preuost compétat.

Ledit Preuost avec sa Sentence de competence s'en retourne à la prison, en fait lecture audit d'Immersel, en suite l'interroge de ses deux Facteurs sur diuers faits, qu'il seroit impossible à vn Greffier de reduire par escrit en deux iours, & qu'il dit auoir fait en trois ou quatre heures.

Ledit d'Immersel se voyant surpris de la sorte, abandonné de conseil, & entre les mains d'un Preuost, dont le nom seul fait horreur aux gens de bien & d'honneur, comme n'estant estably que pour des voleurs & vagabonds, fut contraint pour sauuer sa vie par vne apprehension qui pouuoit tomber *in virum sapientem*, de faire dire audit la Contour ledit iour 25. Fevrier sur le soir, qu'il desiroit de luy parler, lequel en mesme temps le vint trouuer: & luy ayant remonstré l'impossibilité de satisfaire à vne somme si exorbitante, il le supplia la vouloir moderer; mais il ne le put fléchir, *mens immota manet*, au contraire il redoubla ses menaces, qui l'obligerent d'auoir ladite promesse; pour l'execution de laquelle ledit la Contour ne voulut accorder que deux fois vingt-quatre heures, comme il se justifie par la lettre dudit Vautrin, produite par ledit demandeur en son addition de production sous la cote CC.

Vita te omni
prior.

Improbis
nullo flectitur
obsequio.

Procedure
estonnante.

26. Fev. 1654.

Et ainsi la Contour fait vendre ce qu'il avoit pris sur ledit d'Immersel.

27. Fev. 1654.

28. Fev. 1654.

Les corsaires auroient plus de foy.

Si les crimes faussement imposez eussent esté veritables, il en falloit vne, & des plus rudes.

1. Mars 1654.

Fausse pratique de la Contour, pensant se mettre à couvrir de la concussion.

Non enim nulla sunt qualitates aut effectus oriri possunt.

3. Mars 1654.

NOTA.
Contrarium in objecto.

Nunquam falsis constantia est variantur ipsa & dissimul.

Cette exaction ainsi accordée, les deux Facteurs furent le lendemain 26. Fevrier du matin conduits par la ville par des soldats, accompagnez (notez) de l'homme d'affaire dudit la Contour, nommé Bichet, pour vendre & engager à vil prix les marchandises saisies dudit d'Immersel, & leuer l'argent qui luy estoit deub pour parfaire ladite somme extorquée, qui fut le 27. dudit mois de Fevrier comptée audit Laurent Sergent depositaire, & au nommé Estienne Mareschal, Marchand audit Mets, & portée au logis dudit la Contour.

Nonobstant ladite spoliation, ledit Preuost pour en prevenir la recherche, ne discontinua pas de les interroger, contre la parole que ledit la Contour leur avoit donnée; & ledit iour 27. Fevrier, fit confronter audit d'Immersel lesdits Facteurs & autres tesmoins qui avoient esté auparavant ouïs par ledit Lieutenant & Lalloüette.

Et le lendemain 28. Fevrier, fit consommer l'injustice par vne des plus inique Sentence qui se puisse donner; ce qu'on devoit de tant moins faire, qu'on venoit d'exiger la somme de cent quatre mil liures pour ne le pas faire; laquelle Sentence pour les cas resultans du procez, declare ledit billon & marchandises de contrebande, dont ledit d'Immersel a esté trouué saisi, avec ses autres marchandises acquises & confisquées à qui il appartiendra, condamne lesdits d'Immersel, de Ville, & Vultrin, à l'amende de quatre mil cinq cens liu. les deux tiers payables par ledit d'Immersel, & l'autre tiers par lesdits de Ville & Vultrin, sans avoir peu toucher à leurs corps par aucune peine afflictive.

Cette Sentence ne leur a iamais esté signifiée, ny mesme on n'en n'a peu avoir aucune copie, quelque devoir qu'on en ait peu faire, tant on craignoit d'en estre recherché; & si on ne leur a onques fait commandement d'y satisfaire, à cause que les cent quatre mil liures avoient esté payez la veille de ladite Sentence, & sic distractus magis quam contractus, de la part dudit d'Immersel en payant ladite somme.

Ladite amende de quatre mil cinq cens liures ayant aussi esté payée par ledit d'Immersel, il fut le premier Mars, lendemain de ladite Sentence, renvoyé de la prison au logis dudit de Ville, qui se chargea de sa personne jusqu'à sa sortie de Mets, qui fut le 3. ou 4. d'Avril suivant; ledit de Ville ayant esté renvoyé en son logis avec ledit Vultrin ledit iour 26. Fevrier, il y fut gardé par des soldats jusqu'audit 20. Fevrier, que ladite Sentence fut prononcée.

Le deuxiesme Mars, vn nommé Claude Mauleon sieur de Beaupré, se disant confiscataire des biens dudit d'Immersel, fait transport de ses droits au nommé Martin de Boitte sieur de S. Martin, lequel en qualité de cessionnaire en mesme instant pardevant les mesmes Notaires, passé vn traité avec ledit feu d'Immersel, par lequel il confesse avoir reçu de luy tout contant & manuellement la valeur des choses confisquées par ladite Sentence du 28. Fevrier, sans exprimer aucune somme, & l'en quite & descharge. Ces deux pieces qui n'ont esté faites que pour couvrir cette pyratèrie, sont en la production du demandeur sous la cote C. lesdits de Beaupré & S. Martin estans gens supposez par lesdits la Contour, Preuost, Lieutenant & Substitut, n'ayans ny l'un ny l'autre iamais esté confiscataires, ny pour ce obtenu aucun Breuet ou Lettres Patentes du Roy, comme il est justifié au procez par les pieces produites par ledit demandeur en son addition de production sous la cote S. S.

Le lendemain 3. Mars, ledit Preuost avec le Substitut, disent avoir fait vn inuentaire de distraction des choses declarées confisquées de celles non confisquées, & qui n'a paru que deux ans apres, pendant l'instance au Conseil Priué du Roy; lesquelles choses ils ne font monter qu'à dix-sept mil tant de liures, directement contre le texte de ladite Sentence, qui confisque l'une & l'autre marchandise, & consent qu'en suite du traité fait avec le cessionnaire du pretendu confiscataire, lesdites choses confisquées soient par provision deliurées audit d'Immersel; & notez, qu'on avoit donné mainleuée des choses saisies dès le 26. Fevrier, pour les engager & vendre pour parfaire ladite somme extorquée, qui fut deliurée ledit 27. Fevrier.

Et le 2. dudit mois de Mars, on dit que ledit d'Immersel a présenté vne Requête audit Preuost, & le troisieme du mesme mois vne autre, demandât mainleuée desd. effets saisis, au bas desquelles on luy accorde mainleuée des effets non confisquez.

Quelle contradiction ne se voit-il pas par la lecture de toutes ces pieces, puis qu'il se voit par ledit inuentaire de distraction fait auparavant, qu'on luy accorde main-

leuée des choses confisquées; & que le cessionnaire dès le 2. Mars, confesse auoir receu tout comptant la valeur des choses confisquées? Le narré desd. deux Requestes fait assez connoistre, que l'on n'a point signifié aud. d'Immersel ladite Sentence diffinitive, ou bien on luy a fait coucher ces Requestes en tels termes qu'on a voulu, comme il se voit par la lecture d'icelles.

Ledit d'Immersel ayant vn peu recouuré ses forces, se retire de Mets le 3. ou 4. d'Avril: & étant arriué à Luxembourg, qui estoit la premiere ville où il pouuoit agir avec liberté, le 8. dudit mois d'Avril il protesta hautement pardeuant Notaire Royal & resmoins contre toutes ses violences exercées contre luy audit Mets, & contre le traité qu'on auoit extorqué de luy dans les fers, & entre les mains de ses depredateurs & ennemis, allité qu'il estoit de la paralysie qu'il auoit contractée par cette tyrannique procedure, & de se pouruoir pour la restitution des sommes exigées, ainsi qu'il aduiferoit; ladite protestation est produite au procez sous ladite cote C. de la production du demandeur. Comme en suite il auroit fait pardeuant Nosseigneurs du Grand Conseil, Iuges naturels des Preuosts & de leurs maluersations, auxquels il auroit succinctement exposé le fait; ledit Conseil ayant esgard à vne plainte si considerable, luy auroit octroyé Commission le 26. Septembre 1654. pour faire assigner pardeuant eux ledit Preuost & son commis Greffier en leurs propres & priuez noms, aux fins de s'y voir declarer bien pris à partie, voir casser & annuler lesd. procedures, comme faites par vn Iuge interressé & incomperant, lequel seroit condamné en son propre & priué nom, à rendre & restituer, & faire rendre & restituer aud. d'Immersel toutes les sommes de deniers qui luy ont esté prises & tres-injustement exigées, & que tous ceux qui les ont en leur pouuoir, & qui s'en trouueront saisis, seront pareillement assignez audit Conseil, pour estre solidairement condamnés avec ledit Preuost à ladite restitution, & en tous ses dépens, dommages & intersts.

Mais comme ledit François d'Immersel se disposoit à faire executer sadite Commission, l'apoplexie qui l'auoit saisi quand il fut arresté, l'ayant repris, les symptomes en furent si violents, qu'il en mourut le 2. Novembre ensuiuant.

Ce qui obligea ledit demandeur son frere & heritier, d'en reprendre les erremens, & d'obtenir audit Conseil nouvelle Commission de pareille substance le 27. Novembre suiuant, contre ledit Preuost & son Greffier, lesquels furent assignez par vn Huissier enuoyé exprez de Paris à Mets. Et sur leurs non comparutions, fut donné contre eux le 25. Mars 1655. Arrest par default avec despens, qui leur fut signifié le 4. May ensuiuant, par vn autre Huissier enuoyé aussi exprez à Mets, afin de les reassigner.

Mais tant s'en faut que ledit Preuost ait osé comparoistre pardeuant ses Iuges naturels, par vne syndereze toute notoire, il se seroit le 8. Iuin 1655. pourueu au Conseil Priué du Roy; & là indeuëment traduit ledit demandeur, afin d'estre déchargé des dites assignations, comme d'une entreprise faite par ledit Grand Conseil, s'imaginant qu'il y preuiendrait la reparation qu'on luy demande de l'inique & monstrueux jugement qu'il a ourdy & fabriqué avec ses complices contre ledit feu d'Immersel.

Ledit Preuost, par le credit de ceux qui le protegent, a tant fait qu'il auroit esté ordonné par Arrest contradictoire dudit Conseil Priué du 11. Feurier 1656. qu'au parauant faire droit sur l'instance, qu'à sa diligence les informations par luy faites, & par ledit Lieutenant General, & tout le procez sur lequel seroit interuenu son jugement du 28. Feurier, seroit porté au Greffe dudit Conseil Priué dans six semaines apres la signification.

A quoy ledit Preuost n'a osé satisfaire qu'en partie, s'estant contenté de jeter au Greffe dudit Conseil certaines paperasses, desguisées, alterées, & supposées, en forme d'information, contre lesquels ledit demandeur a esté obligé de former vne inscription de faux, & contre ledit pretendu inuentaie de distraction, & presenter Requeste pour estre receu appellant de ladite Sentence diffinitive; de laquelle est à noter, que ledit Preuost a produit des copies collationnées différentes des vnes des autres, qui a aussi donné su jet pour ladite inscription de faux.

Est de plus à noter, que ledit Preuost par ledit inuentaie de distraction, estime les fix thuilles de ce faux metal poinçonné pour bon or, vendu par ledit Iuif audit d'Immersel, à la somme de huit cens pistolles: & selon la deposition dudit Iuif, faite pardeuant ledit Preuost, au prix qu'il dit les auoir vendus, elles ne monteroient qu'en-

4. Avr. 1654

Autre protestation du prisonnier 8. Av.

Sa plainte au Grand Conseil.

Mort dudit d'Immersel 2. Nou. 1654. Reprise au procez par le demandeur 27. Nou. 1654.

Vexation du Preuost au Conseil Priué.

Inscription de faux contre les informations, & en suite appel de la Sentence diffinitive de Mets. A noter collations d'icelle toutes différentes A noter autre fourbe.

Arrest dudit
Conseil Privé
22. Nou. 1656.
qui reçoit
d'Immersel
appellant,
avec renuoy
audit Grand
Conseil.
Où tous sont
assignez.

viron à la somme de cinq cens cinq Louys d'or; ainsi supposition & fourbe par tout.
Le tout ayant esté examiné par trois Commissaires des plus qualifiez dudit Conseil, & par deux Rapporteurs, par Arrest contradictoire du 22. Novembre 1656. ledit demandeur a esté receu appellant, & les parties renuoyées audit Grand Conseil, pour sur le tout estre fait droit ainsi que de raison.

Ledit demandeur ayant fait signifier ledit Arrest audit Preuost, auroit obtenu nouvelle Commission du Conseil le 10. Janvier 1655. pour y faire assigner ledit Lieutenant General, ledit la Contour & ledit Substitut, en leur propre & priué nom, pour y proceder sur ledit appel & autres instances y renuoyées, & voir casser & reuoker toutes les procédures; & eux voir condamner solidairement avec ledit Preuost à la restitution des sommes de deniers extorquées de feu son frere, & qu'il a esté contraint de payer avec despens, dommages & interets, tant en demandant qu'en defendant.

Reglemēt au
Grand Conseil
4. Janvier
1655.

Lesdites parties y ayant esté assignées par vn Huissier enuoyé exprez de Paris à Mets; & y ayant comparu, le Conseil par Arrest du 4. Janvier 1658. les auroit appoin-
tē à escrire & produire dans trois iours, pour leur estre fait droit ainsi que de raison.

En consequence de ce reglement, le demandeur a fait voir, tant par ses escritures que par ses productions produites au Conseil, l'enormité de toutes ces procédures faites sans aucune forme de justice, & directement contre les Ordonnances & les Arrests, a fait voir la fausseté de ladite Sentence Preuostale du 18. Fevrier: & au fonds, a fait voir l'innocence de sondit defunct frere, qui a tellement vescu dans la Prouince, qu'on l'en peut appeller le secours dans l'exercice de son negoce; & que les defendeurs ses parties & Iuges, par vn complot concerté entr'eux, *vnos spiritus, & vn o communiois glutino*, ont meschamment conspiré contre sa teste & sa fortune, & qui l'ayant dépouillé de tout bien, par l'exaction des sommes exhorbitantes qu'il a esté contraint de payer pour racheter sa vie (laquelle il a perduë quelque mois apres) d'entre les mains de ses parties, ont voulu couvrir leurs rapines par ladite Sentence qu'on a donné sans aucun crime, qu'imaginaire & sans preuue.

*Ve corpus vedit
mas ferrum
patris &
ignes.*

C'est dequoy le demandeur requiert reparation, *ut par pœna constringat perditionis
que in perniciem prana societas capulauit.*

Premierement, au regard desdits la Contour & Lieutenant general les premiers Auteurs, Iuges & Instrumens de cette volerie, il est constant qu'ils ont mal-versé en l'instruction de toutes ces procédures, estans faites contre les formes de la Justice, & lesquelles n'estans exactement obseruées, principalement en matiere criminelle, *latrocinium est, & non iudicium.*

Faut donc voir quelle a esté la premiere forme desdits la Contour & Lieutenant, pour commencer l'instruction de cinq crimes capitaux, dont ils accusoient faussement ledit feu d'Immersel.

L'on verra ledit la Contour entrer de nuit à main armée en la maison d'un François d'origine, bon & notable Marchand, domicilié audit Mets depuis plus de vingt ans, y tenant magasin de marchandises de grande valeur; le saisir & arrester prisonnier, *positus excubijs*, en tous les lieux de la maison.

Après ce premier exploit militaire, on voit entrer ce Lieutenant avec vn Affes-
seur de mesme trempe; qui apres quelques interrogatoires faits audit defunct, l'en-
uoye prisonnier en chartre priuée, de mesme que les Facteurs & Commis, comme a esté dit cy deuant: Prennent la clef de la chambre & du cabinet dudit d'Immersel; en emportent quantité d'or & d'argent, & autres choses de prix, sans aucunes formalitez de Justice, sans establir gardien & depositaire, sans que mesme le Greffier Commis y soit present: Et le troisieme jour apres, ils font mettre le seellé sur lesd. chambre & cabinet, & en suite font des inuentaires à leur mode, interrogent les arrestez, font entendre des tesmoins, les font confronter aux accusez, eslargissent de leurs autoritez des Facteurs, Valets & Bateliers arrestez à mesme fin, comme il se voit par les pieces produites par le demandeur en sa production sous la cote G. & font le procez audit d'Immersel & à ses deux Facteurs de Ville & Vaultrin, iusques au 24. Fevrier suivant, iour auquel ledit feu d'Immersel declara ne pouuoir satisfaire à la promesse forcée, faite par sondit Cousin de payer cent quatre mil liu. comme dit-est cy deuant: & pour ce ledit la Contour le mit le lendemain es mains dudit Preuost.

Mais

NOTA.

Mais on demande à ce Lieutenant : Où est la partie ciuile & plaintiue ? où le delateur de ces cinq crimes capitaux ? où est lors ledit Substitut de Monsieur le Procureur du Roy, interessé en la delation de ces crimes ? son Registre fait-il mention d'aucune partie ciuile qui soit inscrite avec les cautions ordinaires ? Il ne se trouue autre partie ou delateur que ledit la Contour, qui est l'vnique Autheur de ces fausses accusations : Et où sont les procédures des emprisonnemens susdits, de l'esclaircissement du Facteur de Thionville, du Batelier de Treve, & Messager de Luxembourg, les auditions des tesmoins, & les interrogations & responses des accusez ? Tout cela est supprimé par ledit Lieutenant, comme il se voit par la deposition dudit Facteur de Thionville nommé Nicolas Schaff, & dudit Messager nommé Simon Renter, que ledit demandeur a esté obligé de faire ouyr pardeuant le Magistrat dudit Luxembourg, ne pouuant tirer aucun acte ou esclarcissement de ceux de Mets, pour la crainte qu'ils ont dudit la Contour : Ladite deposition produite par le demandeur sous la cote CC. de sa nouuelle production.

Delator est quis ? quibus indicis, quo te, e probatur ? Inuenit. Nusquam horum, rien de tout cela.

Et comment ce Lieutenant Ciuil peut-il defendre sa procedure en joüant par attentat le personnage d'un Lieutenant Criminel ?

Car de dire que ce soit par ordre de Monsieur le Marechal de Schomberg, son Lieutenant present, l'excuse en est tant plus impertinente, que la fonction des Iuges pour l'exercice de tant de crimes, ne dépend ny prés ny loin des Gouverneurs ou Lieutenans des Prouinces; qui ne peuuent, non plus que les Baillifs & Seneschaux de Robe-courte, entreprendre à faire le moindre exercice de Iurisdiction ciuile ou criminelle; & encor moins en donner le pouuoir, qui appartient priuatiuement au Roy.

Ce Lieutenant ne deuoit ignorer telles Ordonnances; autrement, telle ignorance ou imperitie, *annumeraretur culpa.*

Cependant il veut establir sa Iurisdiction de connoistre desdits crimes capitaux, par vne pretendue Commission dudit sieur Marechal qu'il produit au Conseil, sans qu'il l'ait inserée tout au long dans ses procez verbaux, comme il estoit obligé, en apres la faire autoriser par le Roy, deuoit mesme la faire enregistrer au Greffe du Bailliage de Mets, pour y estre examinée; ce que n'ayant fait, il est euident que c'est vne piece fabriquée apres coup, se voyant recherché pour sa maluersation; & on doute fort si ledit sieur Marechal l'a signée, confrontant sa signature avec d'autres dudit sieur Marechal produites au procez par ledit demandeur. Il se voit aussi dans icelle inseré le nom de Vincent d'une autre main, pour requerir en cas de besoin, lequel neantmoins n'a jamais paru, & n'est fait mention de luy en toutes les procédures.

Cependant ledit Lieutenant allegue par son inuentaie seruant d'auertissement qu'il produit au Conseil, qu'en vertu de ladite Commission il a commencé ses procédures le 21. Ianuier 1654. & continué jusqu'au 31. dudit mois, & que depuis il ne s'en est meslé que le 22. qu'il a commencé à interroger ledit feu d'Immersel, que les clefs de sa chambre & cabinet furent mises es mains du nommé le Goulon, Greffier commis en cette procedure par ledit sieur Marechal; qu'il n'a peu assister au Iugement diffinitif du 28. Fevrier, non plus qu'à celui de competence du 25. dudit mois, parce qu'il estoit pour lors à Thionuille; que le 14. Fevrier par ordre dudit sieur Marechal, du 13. dudit mois, il auoit mis es mains dudit Preuost ses procez verbaux, & ses pretendus inuentaies des effects dudit feu d'Immersel & de ses Facteurs; & pour toute raison, il dit qu'il est follement assigné, puis que l'appel de la Sentence du 28. Fevrier ne le regarde; qu'il n'a esté assigné au Conseil Priué du Roy, & partant point renuoyé au Conseil.

Verifié faux.

Mais pour destruire telles & friuoles allegations, il n'est besoin que lire ses mesmes procez verbaux & ses pretendus inuentaies, d'autant que par lesdites pieces il sera visiblement reconnu qu'il n'auoit ladite Commission, puis qu'au commencement d'iceux il dit auoir esté mandé par ledit la Contour pour faire le deub de sa Charge, pour l'esclaircissement des crimes des accusez. Et si ladite Commission n'estoit vne piece faite apres coup, qu'estoit-il de besoin dudit la Contour pour arrester lesdits accusez, & de tous ses Sergens, soldats & Officiers de ladite garnison.

Ledit Lieutenant, selon ses procez verbaux qu'il produit, n'a interrogé qu'une fois ledit feu d'Immersel, qui fut le vingt-vniesme Ianuier lors qu'il l'arresta prisonnier; ainsi fausseté de dire, qu'il a commencé à l'interroger le vint - deuxiesme.

Se voit aussi, que ledit 23. Januier sur le soir, fut seulement apposé le seellé sur effets inuentoriez, ce Lieutenant avec la Contour en ayant auparavant usé à leur discretion. Ainsi, pure pyratèrie.

Faux alibidé
truiçt.

Par celsdits procez verbaux se voit de plus, que ledit Benoist de Ville le 28. Fevr. (jour de ladite Sentence Preuostale) a passé pardeuant ledit Lieutenant vne décharge à Estienne Mareschal pour des marchandises dudit d'Immersel, que ledit Lieutenant luy auoit vendues le 29. Januier precedent: Ce qui iustifie qu'il s'est meslé de cette procedure iusques à la fin, & qu'il estoit à Mets ledit 28. Fevrier, & non pas à Thionville.

Oportet men-
darem esse
memorem.

Allegue aussi faussement, d'auoir mis le 14. Fevrier és mains dudit Preuost ces procez verbaux & lesdits inuentaires, par ordre dudit Sieur Mareschal du 13. dudit mois, sur vne plainte verbale que ledit Preuost luy auoit faite, que ledit Lieutenant produit au Conseil: Car par le prétendu reuestement d'inventaire fait par ledit Preuost, il se voit que c'est le 24. Fevrier, & non le 14. que ledit Goulon luy mit en main. Et notez, que ledit Preuost en toutes ses procedures ne fait aucune mention de cet ordre du 13. Fevrier, donné par ledit Sieur Mareschal: Ce qui fait connoistre clairement que c'est vne piece faite à plaisir, pour tascher à se mettre à couuert sous le nom & l'autorité dudit feu Sieur Mareschal, lequel ledit Lieutenant par son aduertissement il fait parler comme il veut.

Et est à noter, Que ledit Lieutenant par ses contredits qu'il a fourny au Conseil contre la production dudit demandeur, se contrarie en tous les poinçts cy-dessus qu'il a allegué par sondit inuentaire seruant d'aduertissement, *nunquam falsis constantia est, variantur ipsa & disident.*

Quitotum di-
cur nihil exci-
pit.
Contre le
Lieutenant
General.

Et parce que ledit Lieutenant dit qu'il n'a esté assigné au Conseil Priué du Roy, & par ainsi pas renuoyé au Conseil, & partant follement assigné: On luy respond que c'est le Preuost qui a traduit le demandeur du Conseil audit Conseil Priué, & que la Commission portoit d'y assigner ledit Preuost & tous autres: Et si le demandeur n'a plustost fait assigner ledit Lieutenant, c'est qu'il n'auoit pû auoir aucun acte des procedures faites à Mets, desquels il a seulement eu communication pendant l'instance audit Conseil Priué, & par icelles il a reconnu les fourbes & maluersatiôs dudit Lieutenant & autres: De plus, ledit Conseil Priué a renuoyé au Conseil pour estre fait droit sur le tout, comme porte l'Arrest du 22. Nouembre 1656.

Ce Lieutenant, qui pendant cinq semaines entieres a tenu lesdits accusez en chartres priuées, a faisi leurs biens, a fait & parfait leur procez, abandonne laschement sa preuention à vn Preuost, pour le faire juger sans appel, luy faisant mettre en main par ledit Goulon ses procez verbaux & lesdits biens saisis, auant d'y mettre les personnes arrestées, & sans qu'il y soit present, & auant que ledit Preuost soit mesme déclaré competent; recours aux dates dudit reuestement d'inventaire fait par ledit Preuost, & de ladite Sentence de competence: se peut-il voir collusion plus manifeste?

NOTA.

Ce Lieutenant, qui le 23. Januier trouue au cabinet dudit feu d'Immersel, six thuilles poinçonnées pour bon or, qu'un Orphevre par luy mandé reconnut estre fausses, & que le nommé Abraham Alphon luif auoit vendu audit d'Immersel deux iours auant son arrest, il n'en fait cependant aucune recherche, ny contre ledit luif, ny mesme contre ledit feu d'Immersel, pour sçauoir l'origine de cette fausseté; ce qui fait bien connoistre qu'il en estoit bien informé, & qu'il estoit du mesme cōplot avec ledit la Contour, qui auoient supposé ce luif pour faire cette fausse vente, pour auoir vn pretexte d'accuser ledit d'Immersel de billonnage, comme s'il falloit punir vne personne trompée, & non point le trompeur, ayant fait condamner ledit d'Immersel, peu expérimenté d'achepter du cuivre pour del'or, trompé par le faux poinçon qui estoit appliqué sur lesdites six thuilles: & on a absous ce luif faux vendeur & trompeur, contre lequel ledit Lieutenant Ciuil n'a fait aucune poursuite. Et le Lieutenant Criminel l'ayant fait emprisonner pour le chastier de cette perfidie, il en est empesché par ledit la Contour, qui le fait eslargir: Se peut-il voir collusion & intelligence plus auérée, pour voler le bien d'un bon Marchand innocent?

Decipis &
non decipien-
tibus succur-
rendum.

Tout ce que dessus, fait aussi voir les collusions manifestes d'un Lieutenant General, qui preste sa main & sa conscience, pour d'un complot mutuel avec ledit la Contour & leurs complices, dérober l'honneur d'un Marchand trop homme de bien,

afin d'enuahir plus facilement, mais plus tyranniquement ses biens & facultez.

Quant à la Contour, il se targue pareillement de la Commission dudit sieur Mareschal, que ledit d'Immersel estant accusé desdits crimes, il a deub executer ses ordres; qui estans approuvez à la Cour, il pouuoit confisquer les biens dudit d'Immersel, comme prisonnier de guerre, comme il a fait; qu'il a esté deschargé par ledit Preuost des effects dudit d'Immersel dont il estoit chargé; & que Laurent Sergent depositeire, en auoit esté deschargé depuis ladite Sentence par ledit d'Immersel; que luy & ses Facteurs ont executé ladite Sentence; qu'il ne s'est meslé d'aucune procedure, & que les cent quatre mil liures ont esté touchez par ledit sieur Mareschal.

Contre la
Contour.

Faux.

Responceaux
impertinen-
ces dudit la
Contour.

A quoy le demandeur respond, que dans le narré cy-deuant, il a fait connoistre la cause motiue de cette monstrueuse procedure, qui a esté l'auarice dudit la Contour, qui en a esté l'unique autheur, le delateur & accusateur, ne se voyant autre partie que luy dans tout le procez; & partant responsable de toutes les procedures, & de ce qui s'en est ensuiuy, qui a assisté par tout sans vouloir signer aucun acte, prescriuant audit Lieutenant, Preuost & Substitut, ce qu'ils auroient à faire pour paruenir à son but, qui estoit d'enuahir le bien dudit d'Immersel.

C'est luy qui dès le 22. Ianuier avec ledit Lieutenant, a emporté tout l'or & l'argent, & autres choses pretieuses du cabinet dudit d'Immersel, sans qu'il s'en ait voulu charger par aucun acte signé de sa main qui a paru jusqu'à present; & neantmoins ledit Preuost le descharge par le reuestement d'Inventaire du 24. Fevrier, comme dit a esté, que ledit la Contour a produit au Conseil, croyant par là estre suffisamment deschargé; & c'est de là qu'on doit tirer les principaux motifs de sa condamnation.

NOTA.

Touchant les actes & descharges données par ledit d'Immersel & Facteurs, en execution (dit-on) de ladite Sentence; ce sont toutes choses forcées, à quoy on ne doit ajouter foy, puis que ledit d'Immersel auroit signé tout ce qu'on auroit voulu pour sortir des mains de ces pyrates, lesquels ont fait coucher lesdits actes & descharges en tels termes & dates comme ils ont voulu, ainsi qu'il se voit par la lecture d'iceux, pour se garentir d'estre recherché à l'aduenir, *quod vi aut metu fit imperfectum est.*

C'est la Contour, qui pour mettre à couuert son pernicieux dessein, a fait donner par ledit feu sieur Mareschal ausdits Lieutenant & Preuost, les Commissions cy-deuant dites, qu'on doute fort estre signées de luy, qu'il produit au Conseil de mesme que ce Lieutenant, les ayant fait passer apres coup, en tels termes qu'il luy a plu, l'inualidité desdites Commissions qui n'ont jamais paru, que lors que lesdits la Contour & Lieutenant se sont veus recherchez, a esté cy-deuant assez debatue & verifiée; on n'a osé seulement produire l'original de l'ordre susdit du 13. Fevrier donné audit Preuost.

C'est luy qui le 21. Fevrier 1654. a extorqué de Jacques d'Immersel cousin dudit defunct, la promesse de cent quatre mil liures cy-deuant mentionnée, & laquelle il a encor presentement en main, ne l'ayant iamais voulu rendre audit feu d'Immersel, comme il se iustifie par la Lettre qu'il a escrite le 25. Avril 1654. de Bruxelles à son dit cousin à Paris, quoy que ladite somme luy ait esté payée; ladite lettre produite par le demandeur en son addition de production sous la core C. C.

Exaction per
sonnelle de
la Contour.

C'est luy qui le 25. Fevrier de son autorité, a enleué ledit feu d'Immersel de sa chartre prinée, où il auoit esté depuis le 22. Ianuier, & l'a fait conduire en son carosse és prisons Royales, & mettre és mains du Preuost pour le faire condamner sans appel, à cause qu'il auoit refusé d'executer ledit accord forcé de son cousin, & de payer les cent quatre mil liures contenus en sa promesse.

C'est luy qui a obligé les Iuges à declarer ledit Preuost competant, & à donner cette inique Sentence, pour raser à se garentir du vol de ladite somme, qu'il auoit touchée la veille dudit Iugement.

C'est luy-mesme qui à mesme fin a supposé des confiscataires imaginaires pour passer des actes frauduleux & forcez; & ainsi, abusé du nom & des Domestiques dudit sieur Mareschal de Schomburg: Et comme il auoit grand ascendant sur son esprit, il ne luy a rapporté la verité de ce qui se passoit contre ledit d'Immersel, ny donné connoissance de toutes ces violences; au contraire, a fait tous les efforts pour le faire passer pour criminel, comme il essaye de faire encore par ses écritures & pro-

ductions au Conseil, interpretant les informations, missives, interrogatoires & réponses, tout autrement qu'elles ne sont, comme il se voit par la lecture d'icelles.

Grande &
puissante re-
marque.

*Confessus num
habetur pro
indicio.*

C'est luy qui a supposé ce Alphou Iuif, pour vendre audit d'Immersel du faux or poinçonné pour du bon, qui de son autorité l'a fait eslargir des prisons, & defendu au Lieutenant Criminel à ne luy faire son proces: Et pour se defendre de ce fait, il dit par ses contredits donnés audit Conseil contre la production dudit demandeur, que ledit Lieutenant Criminel n'a trouvé preuves suffisantes pour convaincre ledit Iuif, ny accusateur pour le pousser à bout; à quoy la réponse est facile: Veut-on autre conviction que la propre confession dudit Iuif, qui avoue le crime? Et falloit-il autre partie que ledit Substitut, *quid adhuc egemus testimonio?*

Enfin, c'est luy qui a esté l'instrument de cette insigne pyratèrie: & pour s'en laver, il dit en ses escritures, que les crimes dont il est delateur, estoient de la connoissance de Monsieur de Schomberg, comme contraventions aux passeports du Roy & des siens, & par consequent, faits de guerre, & qu'en ayant donné avis à la Cour, elle approuva son procedé, & luy accorda la confiscation des effets dudit d'Immersel.

On luy demande, où est la preuve de cette contravention? où cette approbation de la Cour de son procedé? où le Breuet mesme duquel il se vante?

Il dit de plus, que ledit d'Immersel avoit esté repris plusieurs fois des mesmes crimes dont il l'accuse par les Gouverneurs precedens: mais le contraire se justifie par les Certificats & Lettres missives desdits Gouverneurs, qui ont precedé ledit sieur Mareschal plus de vingt ans, produits en l'addition de production dudit demandeur, sous les Cotes O O. & P P.

Au surplus, ledit la Contour fait vne distinction fort remarquable par son aduerrissement produit au Conseil, en ce qu'il dit que le Preuost par sa Sentence n'a confisqué que les marchandises de contrebande, dont ledit d'Immersel avoit esté saisi: & que pour les autres effets, ils ont esté confisquez par ledit sieur Mareschal de Schomberg, comme en ayant permission de la Cour, & droit de le declarer prisonnier de guerre.

Où est donc la Sentence dudit sieur Mareschal, par laquelle il confisque les autres effets? il ne s'en voit point? & ladite Sentence Prouostale n'a-elle pas confisqué tout ce qu'avoit ledit d'Immersel à Metz? la lecture en fait foy?

Où est-ce que ledit d'Immersel a esté trouvé saisi de marchandise de contrebande? s'en voit-il vne seule once dans tous les inventaires, & autres actes de procedures, apres vne recherche si exacte qu'on a fait de tous ses effets? rien que ce soit?

Et se void-il esdites procedures qu'on ait dit vn seul mot touchant ce prisonnier de guerre; vn Marchand domicilié depuis vingt-ans & plus audit Metz, y tenant magasin, & negotiant sur la foy des passeports, sans avoir souffert la moindre reproche, est prisonnier de guerre; cela choque le sens commun.

*Actio per
fonale de
la Contour.*

*Nimia cautio
dolus est.*

Mais ledit la Contour pour s'innocenter davantage, apres avoir exalté la reputation dudit sieur Mareschal, tasche à le charger de cette énorme & injuste procedure, disant que tout a esté fait par son ordre; qu'il a demandé la confiscation si tost que ledit d'Immersel a esté arresté; qu'il a touché tout l'argent extorqué, que pour luy il est innocent, qu'il ne s'est meslé de rien, & qu'il n'a rien touché: & en apres se contredisant, dit que le Preuost l'a deschargé de tout l'or & l'argent & autres effets dudit d'Immersel, dont il estoit chargé, sans qu'il en paroisse aucun acte signé de luy en toutes les procedures; Ainsi il en a usé comme il a voulu, le surplus de ses allegations sont confonduës par ce que dessus a esté dit.

Quant aux bordereaux duquel ledit la Contour se veut servir pour faire voir que c'est ledit sieur Mareschal qui a touché lesdits cent quatre mil liures, il ne dit pas qu'il a fait inserer par lesdits Facteurs, le nom dudit sieur Mareschal pour se mettre à couvert, tant il est cault & ruzé, n'ayant voulu signer quel acte que ce soit, quoy que present par tout, il est certain & tres-veritable que lesdits Sergent & Estienne Mareschal, qui ont receu l'argent pour parfaire ladite somme, l'ont porté au logis la Contour, lequel estoit déjà saisi de tout l'or & l'argent trouvé au cabinet dudit d'Immersel, comme dit a esté.

Ledit la Contour en sa production employe des Breuets & dons de confiscations des effets dudit d'Immersel, & la verification d'iceux poursuivie par ledit sieur Mareschal

reschal de Schomberg sous le nom de ses Domestiques.

Mais ce sont pieces fantastiques & imaginaires, qui n'ont jamais paru & ne paroistront point: Ledit demandeur ayant produit sous la core SS. de sa production nouvelle, le duplicata authentique desdits Breuet, don & verification, esquels n'est parlé en façon quelconque dudit sieur Mareschal.

Enfin, le Conseil verra clairement toutes les suppositions, contradictions, fourbes & ruses dudit la Contour, pour tascher de mettre à couuert cette insigne pyratèrie, ayant de mesme que ledit Lieutenant General, produit au Conseil copie non signée, de la descharge prétendue donnée par ledit d'Immersel, à Laurens Sergent Depositaire; en laquelle sont aussi faussement adjousté ces mots, *de celuy qui a* Addition frauduleuse;

C'est ce que led. la Contour a voulu adjouster pour faire valoir le prétendu inuentaire de distraction du troisieme Mars, lequel a esté fabriqué tant par le Preuost, que ledit la Contour, Lieutenant General, & Substitut, croyant par là mettre à couuert la somme exorbitante extorquée dudit d'Immersel, & dire en cas de recherche, qu'il n'y auoit que pour dix-sept mil tant de liures de confisqué.

Et est à noter, que ladite prétendue décharge donnée au depositaire, ne parle point du tout de cette distraction; cause pourquoy lesdits la Contour & Lieutenant General y ont adjousté ces mots cy-dessus; ne parle non plus de billon, ou marchandise de contrebande quelle qu'elle soit, qui est vn signe évident qu'il ne s'en est point trouué au logis dudit feu d'Immersel, & consequemment.

Si ledit la Contour estoit hors de Metz, cent tesmoins pour vn justifieroient tout son infame procedé, mais à present personne n'ose dire ou faire quoy que ce soit qui le puisse choquer, ou prejudicier, car il les feroit chasser avec leurs familles hors de la ville, où il se rend redoutable, vn chacun apprehendant son humeur auarre & altiere.

Voyons maintenant comme ledit Preuost & Substitut se sont gouvernez en la forme & en l'instruction de cét enorme procedure.

On demande à ce Preuost (qui a veu & sceu la preuention dudit Lieutenant par l'espace de cinq semaines, qui auoit fait & parfait le procez audit d'Immersel & Facteurs) par qui, quand, & comment il en a esté fait Iuger.

A cette demande si legitime, ledit Lieutenant & la Contour prennent la parole, declarent imprudemment, que ç'a esté par ordre de Monsieur Schomberg, donné à sa Requête verbale du 13. Fevrier 1654. par lequel il ordonne que les charges & informations faites par ses ordres, luy seront mises entre les mains (notez sans parler des personnes, & sans que lesdites informations ayent paru jusques à present) & duquel ordre ledit Preuost n'a fait aucune mention en toute sa procedure criminelle, ny aux instances faites au Conseil Priué du Roy, ny en celles au Grand Conseil.

Bien au contraire, ce Preuost par ses procez verbaux allegue que le 14. Fevrier il a informé à la Requête du Procureur du Roy, qui a le mesme iour requis l'emprisonnement des accusez. Or sur cette requisition, le Preuost n'a rien decreté, & cependant le 21. & 23. Fevrier, il dit encor auoir continué les informations commencées; auquel iour 23. ledit Procureur du Roy requiert derechef l'emprisonnement, & est sur ce requisitoire; que ledit Preuost prononce auoir decreté, & toutes-fois il n'apparoist dans toutes ses procedures, quand, & comment ledit feu d'Immersel a esté constitué es prisons Royales (car à l'esgard des deux Facteurs accusez, ils n'ont iamais esté esdites prisons) n'osant ledit Preuost dire que ce fust la Contour qui luy fit mener le 25. Fevrier à six heures du matin en son carosse, à cause que le iour auparauant il auoit refusé d'exécuter l'accord forcé de cent tant de milliures, fait par sondit Cousin, Jacques d'Immersel.

Et ledit Procureur du Roy (du moins sa vefue) par sa Requête seruant de contre-dit à la production dudit demandeur, dit qu'il n'a pris connoissance de l'affaire dudit d'Immersel, que lors qu'il fut mis es mains dudit Preuost, ce qui a esté le 15. Fevrier: Ce qui implique vne notoiré contradiction, & fait connoistre sensiblement que lesdits Iuges & parties n'ont esté d'intelligence qu'en la pillerie, & dans le partage des biens dudit d'Immersel, & non dans la fabrique des fausses procedures qu'ils produisent aujourd'huy.

Dans Metz,
Vtramque p
ginam facit.
D'ailleurs,
Inde data le-
ga ne fortior
omnia possit.
Côté le Pre-
uost & Sub-
stitut.

NOTA.

Car il se voit que le 24. Fevrier iour de la Feste S. Mathias Apostre, ledit Preuost par vn complot entre luy, ledit Lieutenant & la Contour, & à la Reequeste (se dit-il) du Procureur du Roy, s'est transporté au logis dudit Benoit de Ville, pour se saisir des biens desdits d'Immersel & Facteurs, où il trouua le Commis Greffier dudit Lieutenant, lequel suiuant les ordres (dit-il) qu'il en auoit, luy mit en main les procédures & inuentaires, pretendus faits par ledit Lieutenant, notez qu'il n'exprime point de qui sont lesdits ordres, ny de qu'elle datte, comme il se voit par le reuestement dudit iour 24. Fevrier desdits inuentaires.

Et par vn attentat aux formalitez de la Iustice & au mespris des Ordonnances, ce Preuost de son autorité se saisit desdits biens sans voir partie, accusateur ou delateur, & auant qu'il soit saisi des personnes accusées: & ce qui est de plus estrange auant qu'il soit déclaré competent, & descharge la Contour, comme dit a esté, sans qu'il voye qu'il soit chargé par aucun acte, ny mesme qu'il en soit requis dudit la Contour, qui fait connoistre sa malice affectée, disposant de tout le bien d'un Marchand auant qu'il soit déclaré Iuge.

25. Fev. 1654.

Le 25. Fevrier ledit feu d'Immersel ayant esté par ordre dudit la Contour, transporté es prisons Royales, ce Preuost le veut interroger, & ses deux Facteurs aussi, quoy qu'ils soient demeurez touiours es chartres priuées; ledit d'Immersel decline la Iurisdiction de ce Preuost, en propose ses raisons, qui sont déduites au procez par le demandeur, demande son renuoy pardeuant le Lieutenant Ciuil, qui luy auoit fait & parfait son procez.

Ce Preuost sans vouloir inserer les raisons dudit d'Immersel en son procez verbal de declinatoire, lequel aussi led. d'Immersel, pour ce n'a voulu signer, fait en mesme instant juger sa competence par les Iuges du Bailliage, qui n'en ont aucun pouuoir ny autorité, sans mesme les accusez à la Chambre du Conseil lors du jugement de ladite competence, pour estre ouïs par leurs bouches en leurs raisons declinatoires, comme veut l'Ordonnance.

Ce Preuost est le Rapporteur audit jugement de competence, aussi contre l'Ordonnance, qui veut que la distribution se fasse à vn des Iuges, afin qu'il ne soit en la liberté d'un Preuost de se faire sur son simple recit déclarer competent: Aussi n'a-il fait aucune mention de la preuention dudit Lieutenant, qui cependant ne pouoit estre ignorée par lesdits Iuges; puisqu'un d'eux qui estoit present audit jugement, auoit apposé le seellé sur les effets saisis dudit d'Immersel par ordre dudit Lieutenant; aussi ces Iuges par vne Sentence de competence, ne donnent aucune raison de leur iugement, comme veut encor l'Ordonnance & les Arrests, qui enioignent aux Presidiaux, à peine de nullité, de rendre raison de leurs iugemens, afin qu'il ne fut pas en leur pouuoir limité d'en abuser, *finita potestatis, finita virtus est.*

Ce Preuost scauoit que ces Iuges du Bailliage n'ayans aucunes Lettres d'attribution, estoient incompetens, & qu'il y auoit Arrest de la Cour de Parlement de Mets, qui leur faisoit iteratiffes defenses de iuger des competences & incompetences, ladite Cour s'en reseruant l'autorité, comme il est iustifié par les pieces produites par ledit demandeur, sous les Cortes F. & L. de sa production.

Aussi ce Preuost & ses complices n'auoient garde de faire iuger ladite competence à ladite Cour, de crainte qu'elle ne retint la connoissance de la cause, & par ainsi la proye qu'ils auoient concertée des biens dudit d'Immersel leur fut eschappée.

Et notez que ladite Sentence de competence énonce faux, disant lesdits de Ville & Vaulstein es prisons Royales, où ils n'ont iamais esté, énonce encor faux, disant que ledit d'Immersel demanda son renuoy pardeuant le Lieutenant Criminel, puisqu'il l'a demandé pardeuant le Lieutenant Ciuil, comme ayant fait & parfait son procez.

Ce Preuost ayant donc esté déclaré competent par ce jugement informe, retourne pour interroger lesdits accusez avec vne precipitation si extraordinaire, qu'il fait & parfait leurs procez en deux fois vingt quatre heures; où il seroit impossible à vn Iuge & à vn Greffier de faire en six iours ce qu'ils alleguent auoir fait en si peu de temps: & le tout ne fut ainsi precipité, que pour reduire ledit d'Immersel à tenir ledit accord forcé de cent quatre mil liures, qui fut executé le 27. Fevrier; c'est pourquoy ledit Preuost ne prit le loisir de recoller & confronter seulement la moi-

tié des tefmoins, de seize ne s'en trouuant que sept de récollez & confrontez.

Ce nonobstant, ce Preuost qui estoit aduertty de ce qui se passoit, estant du mesme complot, pour couvrir ce vol & cette pyratèrie manifeste, ne laisse de donner cette Sentence diffinitive le 28. Fevrier, comme dit a esté.

Après laquelle Sentence ce Preuost dit avoir fait vn inventaire de distraction le 3. Mars suivant, dont a esté parlé cy-deuant, des choses confisquées, de celles non confisquées, qu'il ne fait monter qu'à dix-sept mil tant de liures, pour (comme dit a esté) en cas de recherche, dire qu'il n'avoit confisqué que pour ladite somme, & cét inventaire de distraction n'a paru que pendant l'instance au Conseil Priué du Roy, deux ans après ladite Sentence, qui est directement contre le texte d'icelle, qui ne parle d'aucune distraction, ains confisque tout.

Mais à quoy bon cette distraction le 3. Mars, puisque le confiscataire supposé avoit donné le 2. dudit mois sa quittance audit d'Immersel, par laquelle il declaroit estre satisfait des effets par luy confisquez par ladite Sentence, & que ledit d'Immersel avoit mainlevée de ses effets saisis avant ladite distraction; cela fait bien voir que c'est vne piece fabriquée après coup, pour tascher à couvrir l'exaction d'une somme si exorbitante.

NOTA.

Mais toutes ces machines vont à sa ruine & de ses complices; car le moyen d'accorder toutes ces pieces, la quittance dudit S. Martin prétendu cessionnaire du confiscataire du 2. Mars, les deux Requestes du 2. & 3. Mars présentées par ledit d'Immersel audit Preuost, la descharge donnée au depositaire du 3. dudit mois de Mars, & ledit inventaire de distraction dudit iour 3. Mars, la lecture de toutes ces pieces font voir vne confusion & contradiction manifeste.

De plus, il se voit par l'enoncé de l'Arrest du Conseil Priué du 11. Fevrier 1656. que ledit Preuost y a produit vne quittance passée le 2. Mars 1654. au profit dudit d'Immersel par le sieur de Beaupré, en conséquence du don & Sentence par luy obtenue contre ledit d'Immersel; & à présent au Conseil, il en produit vne autre dudit S. Martin, comme cessionnaire dudit Beaupré.

Il se voit aussi par l'enoncé dud. Arrest, vne Requeste présentée par led. d'Immersel ledit iour 2. Mars audit Preuost, pour avoir mainlevée de ses effets; au dessous de laquelle sont les requisitions dudit Substitut, où il ne fait aucune mention de la prétendue distraction; ainsi ils ont fabriqué toutes les pieces après coup, comme ils ont voulu: aussi le Preuost par ses contredits, n'a sceu que répondre sur cette contrariété & fausseté, alléguée par ledit demandeur en ses escritures & productions.

Ledit Preuost dit, que ledit inventaire de distraction a esté signifié par *homines* au nommé Laurent Sergent depositaire, à la requeste dudit feu d'Immersel. On demande, où est-ce qu'il a requis ladite distraction? ses Requestes n'en font aucune mention? Et s'il avoit sceu qu'on ne luy auroit confisqué que pour dix-sept mil liures, n'auroit-il point actionné ledit la Contour pour avoir le surplus de cent tant de mil liures qu'il auroit exigé de luy quatre iours auparavant? du moins en auroit-il parlé en sa protestation faite le 8. d'Avril à Luxembourg, s'il avoit eu la moindre connoissance de ladite distraction?

Bône raison.

Mais on demande encor; pourquoy par ledit inventaire on confisque plustost du miel, de l'huile, des peaux de boucs & chevres, des tableaux & du vin, que les autres marchandises dudit d'Immersel, comme sucre, draps de Hollande, marée & autres denrées, que ledit Benoist de Ville a dit pardevant le Lieutenant General le 21. Januier avoir en son logis appartenante audit d'Immersel; ce sont des subtilitez trop grossieres, que d'avoir fabriqué tel inventaire de distraction.

Ce Preuost pour se laver de toutes ses fourbes, collusions & fautes personnelles, dit que les crimes dont ledit d'Immersel estoit accusé, estans Preuostaux, la connoissance luy en appartenoit à l'exclusion de tous autres Iuges: Que les Iuges qui ont jugé la competence sont en usage d'ainsi le faire: Que pour la Sentence diffinitive, il n'en doit répondre, puisqu'il n'a point de voix deliberative: Que toutes ses procédures sont regulieres & selon les formes; Et que ledit demandeur aussi bien que feu son frere sont coupables & convaincus desdits crimes, tant par leurs Lettres que par les tefmoins, interrogatoires & réponses dudit feu d'Immersel & Facteurs; & que quand ils seroient innocens, l'instruction de ses procédures estant reguliere, il n'est responsable de rien.

Suppositions
du Preuost.

Response du
demandeur.

Mais on luy respond. Si ces crimes estoient Preuostaux, pourquoy n'en a-il pris connoissance dès le 21. Ianuier que ledit d'Immersel & ses Facteurs furent arrestez, qu'il ne pouuoit ignorer, puisque cela estoit public par toute la Prouince, à cause des Portes de la Ville qui furent fermées le lendemain 22. jusques apres Midy; & qu'il se saisit seulement des biens le 24. Fevrier, & des personnes le lendemain 25?

Il se garde bien de dire que cela fut par vn complot concerté entre luy, ledit Lieutenant, la Contour & Substitut, pour faire juger ledit d'Immersel Preuostalement pour luy oster toute voye d'appel, à cause qu'il auoit ledit jour 24. Fevrier refusé d'exécuter ledit Traité de cent quatre mil liures.

Ce Lieutenant & la Contour, pour donner quelque couleur aux procédures dudit Preuost, ont produit au Conseil certain ordre du 13. Fevrier 1654. donné par Monsieur de Schomberg sur la Requête verbale dudit Preuost, dont a esté parlé cy-deuant, duquel ledit Preuost n'a fait aucune mention comme a esté dit: Partant, il est aisé à juger que cet ordre est vne piece faite apres coup.

Sentence de
competence.

La nullité de la Sentence de competence a esté assez justifiée par les escritures dudit demandeur, & par ce que dit-est cy-deuant.

Sentence definitive.

Pour la Sentence definitive, ce Preuost a esté le seul Rapporteur du procez, ne s'en voyant point d'autre, par conséquent en est responsable. L'injustice & la fausseté de ladite Sentence, sera verifiée cy-apres en parlant du fond.

L'irregularité & nullité des procédures de ce Preuost sont assez justifiées par ce que dessus: & ainsi, bien pris à partie.

Contre le Sub
stitut.

Reste à voir les fourbes, collusions & fuites personnelles dudit Substitut, qui sont en partie justifiées par ce qui a esté dit cy-deuant; & comme il a esté du complot concerté pour piller & voler ledit d'Immersel.

Chien muet.

Premierement, il a veu & sceu l'arrest de la personne dudit d'Immersel, de ses Facteurs & autres, dès les 21. & 22. Ianuier, & le sujet d'iceluy; la chose ayant esté publique par toute la Prouince, comme dit a esté: cependant, il demeure dans le silence, & ne fait aucun deuoir de sa Charge; Et sa vefue par sa Requête seruant de contredit aux productions du demandeur, qu'elle a présentée au Conseil, demeure d'accord qu'il ne s'est meslé de l'affaire que lors que ledit d'Immersel fut mis és mains du Preuost, qui a esté le 25. Fevrier, à cause qu'il ne vouloit exécuter le Traité des cent quatre mil liures cy-deuant mentionnées, & justifié au procez; quoy qu'on ait produit au Conseil des informations faites à la requête dudit Substitut, des 14. 21. & 23. Fevrier 1654. contre lesquelles aussi ledit demandeur s'est inscrit en faux.

Ce Substitut donne des conclusions accommodantes à la volonté dudit la Contour & de ses complices, sans voir accusateur, ny partie publique ou ciuile, qui soit inscrit en ses Registres, & qui ait donné caution, comme veut l'Ordonnance.

Il a seulement paru les 23. ou 24. Fevrier en qualité de partie contre ledit feu d'Immersel, lequel jusques alors n'en auoit eu aucune legitime, si ce n'est ledit la Contour, qui cependant n'a voulu prendre cette qualité.

Grandes ob-
missions de
formalitez
par le Substi-
tut.

Ce Substitut a requis le 25. Fevrier le jugement de la competence du Preuost pardeuant des Iuges qu'il scauoit incompetens; & que le jugeant ils feroient vn attentat sur l'autorité de la Cour de Parlement de Mets, qui s'en estoit reserué l'autorité & le pouuoir: Mais comme il estoit de complot avec lesdits la Contour, Lieutenant, & Preuost, il se prit bien garde de requérir que ladite competence fut iugée par ladite Cour, de crainte qu'elle n'en retint la connoissance du fond, ny de requérir comme il estoit obligé pour soulager les accusez, qu'ils fussent renuoyez pardeuant le Lieutenant Criminel à charge d'appel. Il falloit les faire iuger en dernier ressort, de peur que la proye ne leur eschappast.

Il requiert ledit jugement de competence, sans y obseruer les Ordonnances, comme dit a esté, sans que le procez verbal du declinatoire dudit d'Immersel fust signé de luy, sans que les Facteurs fussent és prisons Royales, sans que les accusez fussent menez en la Chambre du Conseil lors dudit jugement. Les autres nullitez sont déduites cy-deuant. N'estoit-il pas obligé suiuant le deub de sa Charge de résister à ce desordre de Iustice, contre les Ordonnances & les Arrests.

Il scauoit la preuention dudit Lieutenant general, que ces deux Iuges saisis, & le Lieutenant

Lieutenant Criminel qu'il scauait saisi du Iuif Alphon faux vendeur, faisoient vn conflit de Iurisdiction, qui n'appartient qu'au Conseil du Roy d'en juger: Cependant, par l'interposition de son ministere il requiert ledit jugement de competence, sans parler en façon quelconque de lad. preuention, ny du conflit de Iurisdiction: Requiert de mesme le jugement definitif, pour mettre à couuert toutes ces fraudes, malversations & pyrateries.

Il dit neantmoins (scauoir sa vesue en son nom) qu'il est innocent du tout, qu'il n'a fait que le deub de sa Charge, qu'il a donné ses conclusions en conscience, que les Iuges ne sont obligez de les suiure, qu'il n'a agy qu'au nom du Roy qui est garend de ses actions, qu'il n'a aucun interest en la cassation de la Sentence dont on se plaint, qu'il n'a rien touché ny de l'amende ny de la confiscation, & qu'on ne l'a pris à partie de son viuant, ny assigné au Conseil.

Defenses du
Substitut ou
de sa vesue.

On a parlé cy-deuant suffisamment des malversations par luy commises au deub de sa Charge, de vouloir rendre le Roy garend de la mauuaise procedure de cet Officier, qui a presté son ministere pour piller vn Marchand innocent; cela est ridicule; Et par le complot concerté entre luy & ses complices, il est aisé à juger qu'il a eu sa part en cette dépouille, *diuiserunt spolia.*

Replique du
demandeur.

S'il n'a esté pris à partie en son viuant, c'est que le Preuost ayant indeuément traduit le demandeur du Conseil, où il auoit intenté son action, au Conseil Priué du Roy, l'espace de deux ans, & qu'on auoit recelé toutes les procedures faites à Metz contre feu son frere, de crainte d'en estre recherché; il n'a pû plustost agir contre ledit Substitut, comme a esté dit aux escritures du demandeur.

Ce Substitut consent le 24. Fevrier, que ledit Preuost se saisisse des biens dudit d'Immersel, auant de s'estre saisi de sa personne; ce qui est contre les Ordonnances, fait decharger ledit la Contour des effets dudit d'Immersel, sans voir par aucun acte signé de luy, qu'il en soit deuément chargé, ny sans qu'il en ait esté requis par ledit la Contour.

Ses exagérations
contre
la procedure
du tout anoma-
le.

Ce Substitut conclud contre ledit d'Immersel, accusé de cinq crimes capitaux par la confiscation de ses biens, & l'amende de six mil liures, pardonnant à la personne, pour auoir la bourse, qui estoit leur seul but.

Mais il dira qu'il n'y auoit aucune conuiction desdits crimes (comme il est tres-veritable qu'il n'y en a aucune en tout le procez) ne devoit-il donc pas conclurre à la décharge dudit d'Immersel, innocent de tous ces crimes supposez.

Bien plus, ce Substitut qui a veu & sceu la perfidie de Iuif Alphon faux vendeur, n'a cependant donné aucune conclusion contre luy ny requis son emprisonnement; ne s'est mesme rendu partie lors qu'il a sceu que le Lieutenant Criminel l'auoit fait emprisonner.

Cette dissimulation ne fait-elle pas voir clairement que ce Iuif a esté supposé par tous ces pyrates, pour auoir pretexté de voler le bien dudit d'Immersel.

Ce Substitut a veu la precipitation des procedures dudit Preuost, d'auoir en deux fois vingt-quatre heures, fait & parfait le procez à trois personnes domiciliez, accusez de cinq crimes, sans s'opposer à telle violente procedure.

Il a sceu que ladite Sentence confisque toutes les marchandises dudit d'Immersel: & le 3. Mars trois iours apres ladite Sentence, il requiert distraction estre faite des effets confisque dudit d'Immersel, d'avec ceux non confisque, contre le texte literal & formel d'icelle, qui ne parle d'aucune distraction, & de laquelle ny luy, ny ledit Preuost n'en pouuoient dispenser: Il dit ladite distraction auoir esté demandée par la Requête dudit feu d'Immersel qui n'en dit vn seul mot, il oste au Roy le droit qui luy estoit acquis par ladite Sentence; ne voylà pas vn Substitut bien zelé à son seruice?

Mais à quoy bon cette distraction; par ses requisitions au bas de l'inventaire d'icelle, il se voit qu'il a sceu le traité du 2. Mars (iour auant sedites requisitions) fait entre S. Martin & d'Immersel, dont a esté parlé cy-deuant, par lequel ledit d'Immersel est déchargé des effets sur luy cōfisque; cette distraction estoit donc inutile.

Ledit Substitut requiert de plus, que le donataire se retire vers le Roy, pour faire valoir son Breuet, lequel il doit auoir veu pour l'examiner s'il est dans les formes. Et il se voit par les pieces produites par le demandeur, que ce donataire est vne personne supposée, qui n'a jamais eu de Breuet, lequel fut expédié le 28. Fevrier iour dudit jugement Preuostal (notez par là que la confiscation a esté obtenue auant la confis-

Confiscation
demandée &

obtenue de-
uant la con-
demnation
semblable au
mauvais vœu
*captanda mor-
su.*

cation) en faueur de Jean des Pieds, lequel n'a jamais paru ny demandé quoy que ce soit.

Aussi ce Substitut par son requisitoire, n'a osé exprimer la date de ce Breuet, crainte de se mesprendre, comme il est iustifié par ledit procez verbal de distraction, & par ses requisitions produites par ledit demandeur en sa principale production sous la cote Q. & par le duplicata du Breuet, & Lettres Patentes accordées audit Jean des Pieds, produites en sa nouvelle production sous la cote S. S.

Et si les apparences sont entieres, que ledit Substitut a eu connoissance des pretendues commission & ordre donnez par Monsieur de Schomberg audit Lieutenant & Preuost, en attendant les ordres du Roy, qui n'ont iamais paru; & sans les voir, donne ses conclusions: Deuoit-il point s'opposer à vne telle entreprise contre l'autorité du Roy? & n'en ayant dit mot, l'on voit bien ses fourbes, fictions & dissimulations; & partant sa vefue & heritiers sont responsables de toutes ses maluerfations, pourquoy ledit demandeur persiste aux conclusions prises contre ladite vefue & heritiers.

Objection ri-
dicule des de-
fendeurs.

Mais les defendeurs disent, que quand on auroit mal-versé en l'instruction du procez, & qu'il seroit fait contre les regles & contre les Ordonnances & Arrests, & contre les formes, qu'au fonds ledit feu d'Immersel est coupable & conuaincu desdits crimes, & ledit demandeur de mesme, & qu'il n'a sujet de se plaindre de ladite Sentence Preuostale donnée par des Iuges trop indulgens.

Response du
demandeur.

Il est donc necessaire de discuter au fonds l'accusation de ces cinq crimes capitaux, & faire voir l'innocence desdits d'Immersel, par les pieces mesmes dont les defendeurs se veulent seruir pour les conuaincre, qui sont les procedures & informations faites par ledit Lieutenant & Preuost, les interrogatoires & responses dudit d'Immersel & Fauteurs, & leurs Lettres missiues, qu'on s'efforce d'interpreter contre le sens de la verité.

Les defendeurs apres auoir espluché toutes les actions de la vie dudit feu d'Immersel, refeuilleté tous ses liures, ses registres, ses missiues, & ses autres papiers, ont-ils trouué la moindre preuue conuainquante desdits crimes, *nusquam horum.*

Le Preuost par ses escritures seruans d'aduertissement, dit effrontement que lesdits d'Immersel ont tiré leur naissance du pays de Lorraine, & ont changé leur domicile sous la domination du Roy d'Espagne pour faire leur billonnage, & faire vn negoce illicite; cette supposition infame est justifiée par les pieces produites par le demandeur en son addition de production sous la cote B. B.

On l'accusoit (comme porte ladite Sentence Preuostale) d'auoir billonné, d'auoir transporté hors du Royaume notables sommes en especes, quantité de bleds & salpestres, & autres marchandises de contrebande, & par monopole d'auoir empesché la liberté du commerce.

Cinq crimes
faulxement
imposez,

Il faut premierement sçauoir ce que c'est billonnage, qui est la fonte de bonnes especes courantes pour couertir en mauvais vsage: où est-ce qu'il se trouuera le moindre soupçon de ce crime dans toutes les procedures & dans les papiers dudit feu d'Immersel? par ainsi vne pure supposition.

i. Billonnage.

On veut fonder vn prodigieux billonnage sur trente-six mares de vaisselle d'argēt fondus en lingots, & sur vingt-neuf onces de braselets & chaisnes d'or aussi en lingots, que ledit Alphon Iuif a depose auoir achepté des Orfevres Iurez de Mets, & ainsi vendu audit d'Immersel, qui se sont trouuées dans son cabinet lors de son arrest: mais qu'on voye les responses aux interrogatoires à luy faits par lesdits Lieutenant & Preuost, il a tousiours constamment dit, que c'estoit pour enuoyer à Paris, & y estre porté à la Monnoye du Roy, quoy que ledit Lieutenant & Preuost l'ayent pressé, tourné, & retourné sur ces lingots, pour sçauoir s'il n'en auoit cy-deuant enuoyé hors du Royaume: mais ils n'ont sceu extorquer de luy que la verité, que c'estoit pour enuoyer à Paris, comme il auoit fait autrefois, & jamais hors du Royaume.

NOTA.

On dit qu'il a voulu traiter avec ledit Iuif pour transport de ces lingots à Treve; il est vray que sur quelque proposition faite par ledit Iuif de les luy rendre audit Treve, il a peu luy demander combien il vouloit auoir pour cent; mais il est vray aussi que ne s'estant peu accorder, ledit d'Immersel luy dit qu'il les enuoyeroit à Paris: Et s'il y auoit eu du crime en ce pourparler, il estoit plus grand à l'esgard du Iuif, puis qu'il vouloit entreprendre à le transporter hors du Royaume moyennant salaire; & cependant on ne luy a rien dit, aussi ces propositions sont demeurées sans effet, *cogitationis pœnam nemo patitur.*

Mais est-il possible que les defendeurs soient si ignorans, de vouloir soustenir que de la vaisselle d'or & d'argent, entiere ou fonduë, soit billonnage? n'est-ce pas vn commerce licite & permis qui se fait journellement par tout, & dans Mets par les Marchands, Orphevres, Iuifs & autres, sans aucune reprehension: Et cette vaisselle d'argent en lingots trouuez au cabinet dudit d'Immersel, n'a-t'elle point esté vendue du depuis, partie à vn nommé Godelin Orphevre de Mets, & partie à Madame de la Contour, comme il est justifié par vn bordereau escrit de la main dud. Estienne Mareschal, commis par ledit la Contour pour recevoir lesdits cent quatre mil liures de question, produit par ledit demandeur en sa production sous la cote H. Si ce n'estoit vn commerce licite & permis, ledit Godelin Orphevre & ladite Dame, seroient autant coupables de billonnage que ledit d'Immersel.

Et si on auoit eu quelque preuue que ledit d'Immersel s'en fust seruy à mauuais vsage, si on auoit trouué lesdits lingots chargez & empaquetez, & sur le chemin pour estre enuoyez hors du Royaume, alors on auroit eu sujet de s'en saisir & les confiscquer, comme veut l'Ordonnance de ladite ville de Mets.

Raison sans
replique sur
l'espece &
qualité de
billon.

On les trouue dans vn tiroir de son cabinet, parmy ses autres effects, & non dans vn secret de cabinet, comme disent faussement les defendeurs par leurs contredits: Il dit que c'est pour enuoyer à la Monnoye à Paris, peut-on luy imputer cela à crime de billonnage? Et si ledit d'Immersel auoit ordonné à vn Orphevre (comme il en auoit la liberté) de luy faire de ces lingots, de la vaisselle d'argent, & quelques chaiffes d'or, auroit-il esté vn billonneur pour auoir eu ces lingots en son cabinet; c'est vne chose plus que ridicule.

Comme il a
prouué qu'il
y en auoit en-
uoyé aupara-
uant.

On veut encor fonder ce billonnage sur ces six thuelles de faux or pour bon, & rendu par ce perfide Iuif audit d'Immersel, qui se sont trouuées en son cabinet. On a fait voir cy-deuant comme ce Iuif a confessé pardeuant ledit Preuost (par vne permission toute Diuine pour decouper l'innocent) les auoir vendu audit d'Immersel pour bon or, & qu'il les auoit achepté d'un Forain (notez que le Preuost deuoit l'obliger à nommer ce Forain; ce que n'ayant fait, cela est soubçonneux & mystereux) il en a rendu au Lieutenant le 27. Ianuier, la valeur qu'il en auoit receu dudit d'Immersel, comme dit a esté: Ce Lieutenant, Preuost & Substitut, qui ont eu connoissance de la perfidie de ce Iuif, n'en ont fait la moindre recherche, ny contre celui qui auoit poinçonné ce faux or. La Contour au contraire, fait eslargir ledit Iuif, que le Lieutenant Criminel auoit fait arrester prisonnier; Ce qui fait euidentement connoistre le complot concerté des defendeurs, pour par le moyen de ce perfide Iuif, de tendre piege audit feu d'Immersel, pour auoir pretexte de l'accuser de billonnage.

Reconnois-
sance du Iuif
toute miracu-
leuse.

NOTA:

Pretexte non considerable & à leur confusion, & qui au fonds justifie nettement ledit feu d'Immersel, lequel ayant achepté du cuivre doré pour pour bon or, ne pouuoit estre coupable d'aucun crime, puisqu'il est permis à vn chacun d'achepter de l'or & de l'argent poinçonné: De sorte que s'il a esté trompé, c'est par le poinçon & par le peu d'experience qu'il auoit de ce commerce, n'estant juste qu'ayant esté trompé, il porte la peine deuë au trompeur, non plus que celui qui auroit receu par ignorance vne piece fausse, ne pourroit estre repris de faux monnoyeur.

Il se void neantmoins que ledit d'Immersel quoy que trompé, a esté proditoirement condamné, & le perfide instrument de la tromperie mis en liberté par le credit de la Contour, qui l'auoit porté dans cette malheureuse action.

On dit que ledit d'Immersel deuoit actionner ce Iuif faux vendeur; à quoy on respond, qu'il n'a sceu la tromperie qu'apres son eslargissement: & puisque ledit Iuif en auoit rendu la valeur receuë, qu'auoit-il besoin de l'actionner? n'estoit-ce pas à faire aux Iuges qui en estoient mieus informez que luy, & qui le tenoient prisonnier, faire le deub de leurs Charges.

Lesdits defendeurs disent plus, que ledit d'Immersel a confessé auoir encor achepté dudit Alphon Iuif, vne ou deux fois de la vaisselle d'or & d'argent, qu'il a dit auoir enuoyée il y auoit vn mois, au Maistre de la Monnoye de Paris, & qu'il a donné des lettres de change sur luy pour la valeur de ladite vaisselle: & à cause qu'il a dit ne connoistre ledit Maistre de la Monnoye, on infere par là que le transport du billon hors le Royaume est amplemet justifié.

Quelle inepte consequence, quoy! pour ne connoistre le Maistre de la Monnoye, qui est vne personne publique, à qui ledit d'Immersel dit auoir enuoyé

quelque vaisselle d'or & d'argent, & tiré la valeur sur luy en lettres de change, on conclura qu'on a justifié le transport de billon hors le Royaume, bien que led. d'Immersel desnie fortement par toutes ses responses le contraire; C'est vne absurdité inouïe, comme si cét enuoy & adresse ne se pouuoit faire sans connoistre la personne, & vn Marchand qui a ses correspondants & au Leuant, & aux Indes, qu'il n'a jamais veu ny connu que par reputation, ne pourra donc luy faire aucun enuoy de marchandises & negocier avec luy? C'est toutesfois ce qui se fait journellement, & est à remarquer que ledit Iuif Alphonaposté par tous ces Iuges, n'a déposé auoir vendu audit d'Immersel autre vaisselle d'or & d'argent, que celle qu'on a trouuée lors de son arrest en son cabinet, & consequemment.

Circonstance
à noter.

C'est cependant là dessus que ces bons Iuges ont fondé tout ce prodigieux billonage, & le transport d'iceluy sans en rien prouuer, & surquoy on a condamné ledit d'Immersel pour auoir son bien; qui est vne injustice qui reclame la vengeance du Ciel, & la Iustice des hommes.

2. Crime ob-
jecté.
Transport
hors le Royau-
me de som-
mes notables
en especes &
quantité de
lingots d'or
& d'argent.

Venons au second crime d'auoir transporté hors du Royaume notables sommes en especes, & quantité de lingots d'or & d'argent.

Objection
des défendeurs
sur le trans-
port de mon-
noye.

La supposition du transport des lingots d'or & d'argent est justifié par ce que dessus, & parce que lesdits d'Immersel & Facteurs ont persisté fortement n'en auoir jamais euoyé hors du Royaume; reste à examiner le transport des especes d'or & d'argent.

On dit, ledit d'Immersel & ses Facteurs ont confessé par leurs responses, auoir fait recherches de Iacobus, Albertus, Paragons, Reaux, & autres especes, ayant cours és Pais Bas, pour y payer les voitures de ses marchandises, passages & autres fraiz de son negoce, & aucunes fois pour employer au payement des marchandises qu'il debitoit audit Metz.

Autre obje-
ction sur mes-
me sujet.

On dit plus, que les Iuifs ont déposé auoir changé desdites especes, tantost pour cent escus, autres fois pour trois & quatre cens escus; que le Roy par son Ordonnance de 1648. produite par ledit la Contour, defend le transport hors du Royaume, de l'or & argent monnoyé & non monnoyé; que le Roy d'Espagne par ses Sauues-Gardes qu'il donne à ladite ville de Metz, defend le mesme transport hors de ses terres.

Réponse sans
replique.

Le demandeur par ses escritures & production, a fait voir qu'on ne luy peut imputer aucune faute, de rechercher de especes courantes aux pais où il faut faire les payemens susdits de son negoce.

NOTA.

Qu'il a touï jours esté permis à Mets de transporter l'argent qu'on y refait des marchandises estrangeres que l'on y debite; qu'il ny a point de defense publiée, au contraire, celle que feu le Marechal de Schomberg a fait publier le 8. Mars 1654. huit iours apres ladite Sentence Preuostale (à l'instigation dudit la Contour) croyant par icelle fonder le vol qu'il venoit de faire audit d'Immersel, reserue mesme d'accorder ledit transport à ceux qui ameneront des prouisions pour ladite ville, comme il se voit par l'Ordonnance produite par ledit demandeur en sa production sous la cote D. ledit sieur Marechal l'ayant du depuis accordé plusieurs fois audit Benoit de Ville & autres Marchands; Car ladite Ville estant limitrophe, & sans commerce de change, on ne pourroit y faire aucun negoce de marchandises estrangeres & necessaires pour la subsistance des peuples, si ledit transport estoit defendu.

Ab hoste vali-
dissimum testi-
monium.

Motif de cet-
te permission.

Ceux de la Ville & Pais de Luxembourg, quoy que le transport d'or & d'argent y soit aussi defendu par les Ordonnances, dispensent esgalement comme ceux de Mets ledit transport; ceux de Metz & d'autres lieux de France y menant journellement des vins & autres denrées, ont toute permission de transporter l'argent de la vente d'iceux en telles especes qu'il leur plaist, au lieu de leur residence, sans aucun contredit.

De plus, les Ordonnances Royaux pour le Reglement des monnoyes, ne s'observent point audit Metz, ny en Lorraine, où les especes sont taxées à tout vn autre pris qu'en France. Aussi les Ordonnances de ladite Ville de Metz inserez dans le Coustumier general de France, ne defendent point le transport des especes d'or & d'argent hors de ladite Ville, ains seulement le transport du billon d'or & d'argent; le tout est justifié par les pieces produites en l'addition de production dudit demandeur, sous la cote H H.

Et ledit transport est tellement de notoriété publique audit Metz, qu'il ne se trouuera

trouvera pas par aucun acte, ou autrement, que jamais vn Marchand en ait esté repris.

Il est vray que du temps du gouvernement de feu Monsieur le Cardinal de la Valette audit Metz, les charrettes dudit d'Immersel furent arrestées, sur lesquelles il y auoit quelques especes d'or & d'argent qu'ils faisoient transporter aux Pais Bas pour le fait de leur commerce. Messieurs les Gens du Roy de la Cour de Parlement de Metz en ayant pris connoissance, & Monsieur de la Grulliere lors Advocat General en ladite Cour, & d'une singuliere probité ayant examiné l'affaire, & étant pleinement informé que cét argent prouenoit de la vente de leurs marchandises, & que l'usage estoit en ladite Ville, qu'on le pouuoit librement transporter, les charrettes furent relaxées; le transport approuué & permis: De mesme encor du temps du gouvernement de Monsieur de Lambert, & permis ausdits d'Immersel la continuation de leur commerce, comme utile au public, selon les passeports qu'on leur a depuis accordé, produit par ledit demandeur sous la cote B. de sa production, & selon les certificats desdits Gouverneurs produits en sa nouvelle production sous les cotes O O. & P P. Se peut-il rien de plus clair pour la justification desdits d'Immersel.

*similia iura,
similia indi-
cia expectant.
Tabulis loquē-
tibus.*

Et quoy qu'ils ayent eu cette liberté, comme tous les autres Marchands de transporter, comme dit est, l'argent receu de la vente de leurs marchandises, ils ont néanmoins fait voir, qu'ils en ont transporté fort peu, & pas seulement pour acquiter les voitures & autres fraiz necessaires à leur commerce; ce qui est permis par tout le Royaume, employant ledit argent en achats des manufactures & marchandises qui se faisoient au Pays Messin & en Lorraine, pour en recharger leurs charrettes & batteaux, & le surplus de leur argent le faisant tenir à leurs correspondans à Paris, pour leur faire tenir par Lettres de change en Hollande & es Pays-bas, où ils faisoient achat de leurs marchandises; cela est justifié par les quatre derniers comptes des nommez Henry Oliuiers, & Iean Hecincx, produit par le demandeur, en sa nouvelle production sous la Cote T T. par lesquels il se void que lesdits d'Immersel, ou leurs Facteurs de Mets & Nancy leur ont fait toucher à Paris en trois années plus de sept cens trente-six milliures tournois, qui ont esté remis ausdits d'Immersel, comme dit est, par lettre de change, sur la Hollande & les Pais Bas, ou qu'on a tiré sur eux.

*Tabulis lo-
quentibus.*

Remarque de
grande consi-
deration.

Où est donc ce transport prodigieux des especes d'or & d'argent hors le Royaume, dont lesdits d'Immersel sont accusez, & qu'ils ruinoient la Prouince? Dans toutes les procédures il ne s'est justifié qu'une somme de dix-neuf cens Reaux, lesquels estoient pour ayder à payer les contributions de ladite ville, comme il est justifié par la Lettre dudit Benoist de Ville, produite par le demandeur en sa nouvelle production sous la Cote M M.

Il reprochēt
ce qu'on
payoit à leur
profit.

On dit que ledit d'Immersel auoit auoué par ses responses aux interrogatoires à luy faits par ledit Preuost, auoit il y a deux ou trois mois fait porter par le nommé Roch Torchot, de Paris à Nancy, es mains de Vaultrin son Facteur, trois mil Louys d'or, & auoit donné ordre d'en faire porter encor autre six mil; d'où l'on iustifie que lesdits d'Immersel auoient dessein de les faire porter à Mets pour les enuoyer au Pays-Bas.

Autre objec-
tion.

Mais pour confondre cette inepte & imaginaire consequence, il ne faut lire que les responses desdits d'Immersel & Vaultrin, qui disent que c'estoit pour employer en Lettres de change sur Allemagne, & pour payer la rançon des Officiers Lorrains, détenus prisonniers à Nancy. C'estoit aussi, pour faire payer notable somme par leurs correspondans de Strasbourg à la Garnison de Brissac pour la conseruation de la place au service du Roy, que ledit correspondant deuoit tirer sur eux, & sur leurs Facteurs à Nancy & à Mets, le tout selon qu'on leur auoit escrit de la part des Ministres de France, comme il est dit par les escritures dudit demandeur, mesme se voit que ledit Vaultrin ayant receu lesdits trois mil Louys d'or, il en auoit employé la plus grande partie au payement de Lettres de change, le reste il l'auoit porté audit d'Immersel à Mets, tant en Louys d'or, qu'en autres especes, lesquels ce sont trouuées en son cabinet lors de son arrest. Pour les autres six mil Louys d'or qu'on auoit encor ordonné, sur le bruit public de l'arrest dudit feu d'Immersel, on les fit rebrousser chemin, & ainsi point de transport desdits Louys d'or hors le Royaume.

Refutée.

Signalez be-
nefices de
d'Immersel,
objeçtez
pour crim
capitaux.

Autre imper-
tinent objection
refutée.

On veut encor tirer vne autre consequence imaginaire, de ce que ledit demandeur

auoit escrit à feu son frere quelques iours avant son arrest, que si le batelier qui leur auoit amené diuerses marchandises de Cologne à Mets, pouuoit tarder iusqu'à l'arriuée dudit Roch Trichot, que ce seroit vne bonne commodité; d'où se voyent les interpretations finistres des defendeurs, qui des choses les plus innocentes en font vn crime, voulant inferer de cette lettre, que les Louys d'or que ledit Trichot deuoit apporter à Nancy, estoient pour enuoyer par ledit batelier aux Pays-bas; car le vray sens du demandeur est, que ce seroit vne bonne commodité pour enuoyer ledit Trichot avec ledit batelier à Cologne, & de là en Hollande, pour faire achapt d'autres marchandises, puis que la pluspart de celles qu'estoient à Mets, estoient distribuées & vendues.

On dit de plus, que ledit d'Immersel auoit dessein (voulant tousiours faire passer les pensées pour des crimes) d'enuoyer hors du Royaume les especes trouuées en son cabinet, à cause que parmi icelles il y auoit quelques Ducats & Florins d'or, qui sont especes propres pour Cologne & autres places d'Allemagne; ce sont les caprices imaginaires & ordinaires des defendeurs.

Ledit feu d'Immersel a dit qu'il auoit dessein d'employer partie de son argent en Lettres de change sur l'Allemagne, lesquelles se doiuent payer en especes de Ducats, florins d'or, Richedalles ou Reaux: & c'est pour cela qu'il en auoit eschangé: & il auroit bien peu arriuer, que ne rencontrant des Lettres de change suffisamment, il auroit enuoyé quelques especes propres à Cologne, pour estre employées au fait de son negoce, comme il est permis, selon qu'il est iustifié cy-deuant: & posé qu'il auroit eu la pensée de les transporter, n'auoit-il pas la liberté de la changer d'heure à autre, pouuoit-il estre conuaincu & condamné d'auoir transporté hors du Royaume des especes qui se trouuent en son cabinet lors de son arrest; cela est ridicule à dire, *suspitionibus non debere aliquem damnari Traianus diuo Sennero rescripsit, l. 5. de pæn. crimina cum aliquo actu intelligenda sunt.*

Et ce Preuost pouuoit-il obliger ledit d'Immersel à luy rendre compte de ce qu'il vouloit faire de l'argent qui estoit en son cabinet, s'il y auoit trouué quelques especes fausses ou alterez, il auroit eu sujet de s'informer où il les auroit receu: mais n'y trouuant que des especes bonnes & courantes au Pays, c'estoit vne injustice de le vouloir obliger à dire ce qu'il en vouloit faire, comme si c'estoit vn crime d'auoir des Louys d'or, & autres especes en son cabinet à Mets.

On dit, lesdits d'Immersel ont escrit à leurs Facteurs en l'an 1652. (les dangers estans grands sur les chemins de Mets & Lorraine à Paris) si l'on ne pourroit trouuer quelque chemin ouuert sur Dijon ou Lyon, & enuoyer à leurs correspondans quelques Reaux dans des Saumons d'estain, pour leur estre la valeur remise sur les parobas en lettre de change, & satisfaire à ce que les correspondans estoient en deuoir pour eux. C'est vne proposition qui n'a point eu d'effet, & encor bien que lesdites especes eussent esté enuoyez de la sorte, pour se garentir des dangers des voleurs, quel crime y pouuoit il auoir, puis que c'estoit pour Dijon ou Lyon?

Voila cependant surquoy ces Iuges infames ont fondé ce prodigieux transport d'or & d'argent hors du Royaume, & qui leur a fait prononcer cette inique Sentence du 28. Fevrier seulement, pour couvrir l'exaction des cent quatre mil liu. qu'on auoit payé le iour precedent icelle.

Mais pour confondre la calomnie de ces accusateurs, de ces Iuges & parties, ledit demandeur a fait voir par bons certificats produits en sa production, sous la Cote I. que luy & feu son frere ont fait payer à Bruxelles & à Luxembourg, par leurs correspondans & Facteurs les contributions annuelles de ladite ville de Mets, & Pays voisins, mesme les rançons des prisonniers François, & en receuoient la valeur en ladite ville & Pays, qu'ils faisoient tenir à leurs correspondans à Paris, pour leur estre remis par lettre de change, par ainsi faisoient vn bien public, empeschant le transport de l'argent hors du Royaume, que sans eux on auroit obligé de porter en especes ausdits lieux de Bruxelles & Luxembourg, pour satisfaire ausd. contributions & rançons, & comme on a esté obligé de faire, depuis la sortie desdits d'Immersel hors de Mets; ce qui monte à des sommes notables; car par lesd. certificats, il se iustifie que lesd. d'Immersel ont pour ce fait payé pendant quatre ou cinq ans plus de vingt-sept mil pistolles: Apres cela, peut-on dire, qu'ils ont fait vn prodigieux transport d'argent hors du Royaume, & ruiné la Prouince, puis qu'ils ont esté la cause que ledit transport necessaire au payement susdit, ne s'est point fait, c'est vne ingratitude sans exem-

*Nuga nugæ
sine.*

*Ambulatoria
Hominis vo-
luntas.*

NOTA.

ple, de vouloir r  dre des personnes criminelles, pour auoir si vtilem  t seruy le public.

Pour tascher    conuaincre ledit d'Immersel de quelque apparence de crime, on dit qu'il a confess   par ses responses, qu'une fois il a port      la monnoye de Bruxelles des Patagons & Richedales, que le Maistre de la Monnoyeluy en a pay   la valeur, ne s  chant s'il a frapp   lesdits Patagons & Richedales au coin du Roy d'Espagne, & qu'il a aussi confess   qu'il a souuent fait frapper    ladite Monnoye sur des Reaux vne petite toison pour les rendre plus metables, il semble que les defendeurs veuillent fonder l   dessus vn crime de fausse monnoye.

Autre objection refut  e.

Mais le demandeur a fait voir par ses escritures & productions, que feu son frere en ce faisant n'a fait que ce qu'il estoit oblig   de faire; car pour ces Richedalles & Patagons portez    la Monnoye de Bruxelles, il est tout certain qu'il falloit qu'ils fussent defectueux, & qu'il ne les pouuoit exposer au prix qu'ils sont taxez, autrement c'auroit est   vne grande simplicit      luy, d'aller porter    la Monnoye des Patagons qui auroient est   bons & de cours, qui sont especes marquez au coing du Roy d'Espagne, pour en receuoir la valeur en mesme Patagons, puis que le Maistre de la Monnoye pour les fondre, faudroit qu'il rabatte le droit de la Monnoye, & autres frais qui se font, par ainsi auroit moins receu que lesdits Patagons ne sont taxez; car il n'y a personne qui veuille porter    la Monnoye    Paris vn Louys blanc, ou vn Louys d'or, s'il n'est defectueux, & qu'il ne le puisse exposer; car il est assur   que si le Maistre de la Monnoye est oblig   de les refondre, il ne luy peut payer ce qu'ils sont taxez,    cause des fraiz de ladite Monnoye: & par l   se voit la probit   dudit d'Immersel, qui ne vouloit exposer aucunes especes defectueuses, aimant mieux en supporter la perte, en les portant    la Monnoye.

Et quand aux Reaux sur lesquels il a fait frapper vne petite toison, les Ordonnances des Pays-Bas, produites par ledit demandeur en sa nouvelle production, sous la Cote MM. ordonnent expressement qu'aucuns Reaux n'aient cours, s'ils ne sont marquez de ladite toison, pour les raisons contenues esdites Ordonnances; ainsi il n'a fait que ce qu'il a deub faire: tellement qu'on n'a s  eu conuaincre led. feu d'Immersel de la moindre maluersation, bien moins le condamner, comme il a fait pour auoir son bien.

Rest      examiner les trois autres crimes dont ledit feu d'Immersel a est   accus  , qui sont, d'auoir transport   secrettement hors du Royaume quantit   de bleds & de salpestres, & autres marchandises de contrebande: & enfin d'auoir par monopole empesch   la libert   du commerce.

Trois autres crimes, Transport de bleds hors le Royaume & de salpestre, marchandises de contrebande, & empesch   la libert   du commerce.

Pour fondement de ces crimes, les defendeurs alleguent des lettres missiues escrites par lesdits d'Immersel    leurs Facteurs    Mets &    Nancy, s  auoir sur la fin de 1648. o   ils mandent    Benoist de Ville de s'informer secrettement du prix des grains    Mets, & leur enuoyer vne monstre du meilleur froment dans vne Lettre, & si l'on en pourroit trouuer    acheter quantit  .

Voila surquoy les defendeurs disent effront  ment qu'on a iustific   le transport des grains hors du Royaume: mais il ne faut voir que les responses dudit feu d'Immersel, & de ses Facteurs, qu'ils ont faits aux interrogatoires du Preuost sur lesdites Lettres, & l'innocence dudit d'Immersel paroitra toute entiere; car il se verra qu'il n'en a jamais achet   vn seul grain, bien loin d'en auoir transport  : & ledit demandeur par sa nouvelle production sous la Cote VV. a produit quatre Lettres escrites de Rome, pour faire voir la cause impulsie qui obligea lesdits d'Immersel d'crire    Mets & en Lorraine pour s  auoir le prix des grains, qui estoient pour lors abondans, &    bas prix audit Pays de Lorraine; que s'estoit pour enuoyer    Rome, & autres places d'Italie, pour l'an du Iubil  , auquel effet le Pape mesme promettoit ausdits d'Immersel les passeports & sauue-gardes des Roys & Souuerains pour ce necessaires: mais eux reconnoissans le trop grand embarras de ce commerce, s'en sont deportez, & n'en ont   crit du depuis, ny auparavant, & jamais n'en ont achet   ou transport   vn seul grain.

Responses    cestrois pretendus crimes.

L'an 1652. (lors que les Holandois estoient en guerre contre les Anglois) lesdits d'Immersel   criuent    leursdits Facteurs, que les salpestres estoient chers en Hollande: Que si l'on en pouuoit auoir, il y auoit du profit    faire: Qu'un Marchand de Hollande leur auoit dit auoir achet   celui de Lorraine, qu'on luy deuoit liurer    Treves ou    Cologne: De s'informer du prix, & si tel march   estoit veritable.

C'est sur cette Lettre qu'on dit encor auoir iustific   le transport des salpestres & autres marchandises de contrebande hors du Royaume. Les interrogatoires & r  -

ponses dudit d'Immersel & de ses Facteurs, & la deposition des tescmoins, font voir manifestement l'imposture effrontée des defendeurs, & comme on n'en a iamais achepté ny transporté vn seul grain, ny en auoir seulement écrit du depuis ny aupara-
uant.

Et on demande aux defendeurs, Comment pourroit-on transporter des grains & salpestres secretement sans passeports? Sont-ils si ignorants de croire que cela se puisse transporter comme on feroit de l'argent par Lettres de change? N'auroit-on pas esté obligé de charger des marchandises si pezantes dans des bateaux où sur des charrettes? Et auant de sortir du Royaume, n'auroit-il pas fallu passer à Mets, à Thionville, & à Zerque? Et les Gouverneurs desdites places, qui font visiter exacte-
ment tout ce qui sort par leurs Gouvernemens, auroient-ils esté si lasches & si non-
chalants de laisser passer telles marchandises defenduës sans voir les passe-ports en
bonne forme, & faire enregistrer la quantité qu'on en feroit? Que respondre à cela?

On leur demande de plus, Ont-ils trouué au logis dudit feu d'Immersel, apres
vne recherche si exacte comme ils ont fait, aucun bled, salpestres ou marchandises
de contrebande? pas-vn seul grain: Le pretendu inuentaire de distraction mesme,
n'en specifie aucune.

Les defendeurs veulent par leurs escritures, faire passer les lingots d'or & d'argent
trouuées au cabinet dudit feu d'Immersel, pour billon, & pour marchandises de cō-
trebande tout ensemble; & il a esté monstre cy deuant, que ce n'est ny l'un ny l'autre,
& que c'est vn commerce permis à vn chacun.

Par ainsi la fausseté de ladite Sentence Preuostale toute euidente, laquelle de-
clare les billons & marchandises de contrebande, dont ledit feu d'Immersel a esté
trouué saisi, & ses autres marchandises acquises & confisquées: Il ne faut donc s'e-
stonner si tous ces Iuges ont indefiniment prononcé par ladite Sentence definitiue
la condamnation dudit d'Immersel & de ses Facteurs, pour les cas (disent-ils) resul-
tans du procez, vagues & incertains.

Quant aux raisons par lesquelles les defendeurs veulent conuaincre lesdits d'Im-
mersel de monopole, elles sont si foibles qu'elles ne meritent response: On dit qu'ils
ont escrit en l'an 1648. que les Ministres des Pays-bas auoient ordonné de ne laisser
plus sortir de marchandises pour la France sans passeports, & que ce sont lesd. d'Im-
mersel qui ont procuré cette Ordonnance pour auoir seuls le commerce.

Quelle ignorance? ne sçait on pas que si pendant les guerres entre les deux Cou-
ronnes l'on veut negocier, il est de besoin d'auoir passeport de l'une & de l'autre,
comme ont eu lesdits d'Immersel: Mais où sont les Marchands qui se plaignent
que leur commerce a esté empesché par lesdits d'Immersel? où est la paction illicite
avec d'autres Marchands, pour ne vendre leurs marchandises qu'à vn certain prix
arresté entr'eux, qui est le vray point du monopole, il ne s'en trouuera la moindre
plainte ou preuue; & les responses dudit d'Immersel faites aux interrogatoires dudit
Preuost, sur tout la fin d'icelles, & celle de ses Facteurs, qui sont au procez, justifie-
ront entierement la probité & loyauté dudit d'Immersel en son commerce.

Le demandeur ne parle icy des seize tescmoins que ledit Lieutenant & ledit Preuost
ont fait ouïr contre feu son frere, parmy lesquels sont cinq Iuifs; & desquels seize,
sept ont esté seulement recollez & confrontez, entre lesquels sont trois Iuifs; d'autât
que les defendeurs sçachant qu'ils sont à la descharge dudit d'Immersel & de ses Fa-
cteurs, ils n'ont osé en parler en leurs escritures & contredits; mais bien ledit de-
mandeur en a escrit amplement par les siennes.

Sur les tes-
moins.

Et la pluspart
supprimez.

Outre lesquelles raisons que ledit demandeur a suffisamment justifiées par ses escri-
tures, il supplie le Conseil tres-humblement faire reflexion & obseruation particu-
liere & fauorable sur les moyens de faux qu'il a fournis au procez contre les actes es-
sentiels & pieces principales des defendeurs, qui se trouueront rayez, raturez, alte-
rez, falsifiez, & par eux ajoustez; desquelles seules (quand il n'y auroit autre de-
fauts) resultent clairement l'injustice, spoliation de biens, inhumanitez, violences
& iniquité de jugemens rendus contre vn Marchand innocent, que le Conseil reco-
noistra, *omni exceptione maior*, & sans aucune atteinte en toutes les actions de sa vie,
que les defendeurs luy ont rauie par leur barbarie & detestable cruauté.

Ce qui oblige le demandeur son frere, pour en quelque façon satisfaire à ses ma-
nes, de conjurer le Conseil de luy en faire la raison par sa justice ordinaire; & en ce
faisant, luy adjuger pleinement les conclusions qu'il a contr'eux prises au procez.

Monsieur DE DREUX, Rapporteur.

DE MIRAYLMONT.

